

Francisci Robortelli Vtinensis
PARAPHRASIS IN LIBRVM HO
RATII, QVI VVLGO DE ARTE
POETICA AD PISONES
INSCRIBITVR.

EIVSDEM EXPLICATIONES

DE SATYRA

DE EPIGRAMMATE

DE COMOEDIA

DE SALIEVS

DE ELEGIA.

Quæ omnia addita ab authore fuerunt, ut nihil quod ad poeticam spectaret desiderari posset: Nam in iis scribendis Aristotelis methodum seruauit: & ex ipsius Libello de arte Poetica principia sumpsit omnium suarum explicationum.

FRANCESCO ROBERTELLI VINCENTI
BIBLIOTHECA IN LIBRARIIS
DATA QUIVINO DE ARTE
LIBRARIAS PONES
INCEPIT

THE UNIVERSITY OF CHICAGO

1. 日本銀行の発行する紙幣は、
 2. 日本銀行の発行する紙幣は、
 3. 日本銀行の発行する紙幣は、
 4. 日本銀行の発行する紙幣は、
 5. 日本銀行の発行する紙幣は、

[Faint, illegible handwritten notes]

Francisci Robortellii Vtinenſis

PARAPHRASIS IN LIBELLVM HORATII,

QVI VVLGO DE ARTE POE-

TICA INSCRIBITVR.

TSI libellus hic de arte poëtica inſcribitur, videturque ipſa inſcriptio præ ſe ferre methodo quadam certa, & ordinata præceptiones tradi ſcribendorum poëmatarum, puto tamen ego inſcriptionem illam à poëta non fuiſſe appoſitam. neque, cum ad PISONES ſcriberet, in animo habuiſſe artem vllam, aut methodum præclaræ huius facultatis tradere; nam ſi id efficere voluiſſet; ab initio omnia repetens, & naturæ ordinem ſequens præceptiones omnes ſingillatim eſſet perſecutus, quæ ad poëma rectè ſcribendum ſpectant; hac enim commodiore ratione potuiſſe artem poëtica facultatis deſcribi ab Horatio ſatis patet. Nuncuero quis credat hominem doctiſſimum de arte tam confuſe fuiſſe locutum? ſic igitur omnino ſentiendum. Cum Romæ ſua ætate videret Horatius eſſe multos, qui poëtæ nomen ſibi falſo vendicabant; dièsque totos in ſcribendo aliquo poëmate ponebant, & ignorabant tamen, quanto in verſibus ſcribendis opus eſſet artificio, diutius illorum inſcitiam, & inſolentiam æquo animo cum ferre non poſſet; ſermone hoc ſatis longo cum Piſonibus habito, eos reprehendere inſtituit, ac ſingillatim omnes illorum errores demonſtrare, quibus patefactis dat operam, vt eos ad meliorem frugem reducat, præſcribens rectam rationem ſcribendi poëmatis; in eo præſertim, in quo eos labi animaduertat; quo fit, vt ego exiſtimem, temere à multis libellum hunc in plurimas, ac minutiſſimas præceptiones fuiſſe diſſectum; cum miro ordine totus liber ſit contextus, perpetuamque præ ſe ferat, & minime interpellatam de eadem re orationem, vt conabor oſtendere, ac facile perſpicient ii, & probabunt, opinor, qui cognitam habent ſcribendi rationem, quam vbique ſecutus eſt Horatius in Epiſtolis.

Omnes poëtæ in ſcribendo certum ordinem, ac ſeriem rerum in primis ſeruare debent; nam qui ſuum poëma non diſtinguit rectè, neque in conuenientes partes diſponit, vt altera alteri aptè cohæreat, non admodum diſſimilis eſt illius pictoris, qui monſtrum aliquod huiuſmodi in tabula pinxerit, vt caput quidem hominis ſpeciè præ ſe ferat; cæruix verò equi: inferiorque corporis pars piſcis formam referat; & ſicuti nullus eſt, qui ſine riſu tam monſtruoſam picturam ſpectare poſſit; ita par eſt, vt omnibus riſum concitet poëma ex diuerſis, ac diſſimillimis inter ſe partibus concinnatum. hoc enim in primis in poëmate requiritur, vt omnia ſibi conuenientia ſint, & ſingulæ partes cognitione veluti quadam inter ſe

coniungantur, nam si secus fuerit, merito cum somnio agrotantis hominis poterit comparari; tanta enim vis morbi est sæpe in corporibus, ut animo spectra horribilia offerat, atque huiusmodi portenta videre cogat, quæ in rerum natura neque sunt, neque esse possunt: Quod si aliquis indoctos hos poetas ita forte excusare conetur, ut dicat poetis nihil non esse concedendum, posteaque eos pro suo arbitratu, sicuti pictores noua quædam formarum genera confingere; is sciat velim ea lege poetis hanc veniam dari; ut nouum aliquid confingant, modo, ne æquam naturæ legem transgrediantur, quod etiam pictori, qui vere ea tantum, quæ à natura sunt, imitari studet, diligenter est seruandum; fieri enim non potest, ut quispiam satis probet, aut rectam naturæ imitationem agnoscat in ea pictura, in qua simul commisceantur, quæ diuersi sunt generis, diuersisque aluntur cibus, & diuerso generantur modo, utpote serpentes, & aquilæ. tygres, & agni. leones, & cerui: & quæ eiusmodi sunt. Nostra quidem arate præterquam quod portentosa, qualia descripta sunt superius, videre est multorum poemata; illud quoque magna est reprehensione dignum, quod vulgò faciunt mali poætæ, qui cum grande aliquod poema Epopœicum, qualis Homeri Ilias est, & Odyssæa, de magnis rebus gestis sibi scribendum proponant, grauius quidem exordiuntur, & magna profitentur ab initio, mox instituti operis obliti excurrunt in locos quosdam tenues, ubi omnes suos consumunt fucos, ac myrothecias, tanquam si eius in primis rei tam pusillæ gratia negocium tam magnū fuisset susceptum; Huiusmodi vero poetarum genus, si quis diligenter attendat, non dissimile est ab iis pictoribus, qui cum omnia imitari nesciant, sed in aliqua tantum re, & ea quidem tenui, exprimenda se per omne vitæ suæ tempus exercuerint; conantur in quauis tabella eam ipsam effingere, quamuis neque rerum similitudo, neque temporis, neque naturæ ratio id postulet. Cupressum aptè pingit aliquis, quod in ea exprimenda multum operæ posuerit; cætera non satis aptè; Quod si huic pingendam locaueris tabulam votiuam naufragi alicuius hominis, quæ in templo Neptuni sit appendenda, statim rogabit ineptus, velis ne in ea tabella appingi cupressum; verum quid cupresso simile est cum naufragio; nihil planè; Sed id, in quo se excellere putat, quamuis tenue sit, & maximè alienum; omnibus in locis apponere cupit; Poætæ quoque, de quibus loquimur, planè idem faciunt; cum enim parum exercitati sint in aliquo grandi volumine; & poemate conscribendo, omnes autem ingenii sui vires consumpserint in breuibus quibusdam, ac iocosis rebus exprimendis, statim, dum grande illud opus describunt, digrediuntur ad id, in quo se putant excellere; & lucum aliquem umbrosū; aut aram Dianæ, aut riuulos leniter fluentes per herbosa prata; aut iridem, eiusque colores varios; aut Rhenum amnem aut Padum politissimis quidem, & ornatissimis verbis describunt. Sed quorsum hæc; aut quid commune habent cum grandi poemate. Sunt quidem descriptiones fluuiorum, sylvarum, montium, &

& eiusmodi rerum valde aptæ ad poemam exornandum, sed aspergi tantum debent, sicuti colores quidam aliquot in locis. Verum hi longè secus faciunt; nam immemores facti eius, in quo potissimum erat laborandum; centonem veluti quendam centoni ex lucida purpura affluentes illustrare se posse putant suum poemam, quod alioqui, neque aptè dispositum, neque integrum fuerit. Siquis autem huius rei probabilem aliquam asserere velit rationem, cur poetæ hi in tantum delabantur errorem; nullam ego probabiliorem proferri posse existimo, quàm quòd maxima pars poetarum decipiuntur specie recti; & omnes, nimio, peccant, dum id rectum esse existimant, ac laudabile, quod nequaquam est. Exempli causa; Breuitas quidem in oratione summa virtus est, si suis locis aptè adhibeatur; sed eam dum aliqui sectantur, & plus nimio affectant; sæpè in obscuritatem incidunt; itidem hoc ipsum contingere videmus, ut, dum quispiam ornatas nimium, & expolitas efficere studet descriptiones, in eo nulla appareat rerum grauitas; eiusque oratio instar sit picturæ alicuius, quæ quòd nimium lucens, politæque sit, nullos ostendat lacertos; neque venas, neque ossa, neque nervos. Eadem ratione labuntur etiam illi, qui grande aliquid profitentur, id ipsum plus nimio affectantes; nam turgidi fiunt; Similis est scriptorum conditio, qui humilia se qui volunt; nam eorum oratio sæpè ob nimiam tenuitatem, & humilitatem aspernabilis fit. Atque ut alio exemplo res eadem apertius demonstretur; etiam qui rem aliquam nimium variare student, sæpè prodigiosam videre est illorum narrationem. Quamobrem verissimè concludi potest, maximam scriptorum partem in vitia hæc prolabi, dum alterum vitiorum genus longè diuersum vitare cupiunt, & ideo nulla adhibita moderatione, id quod dissimillimum est, probant, & efficiunt; Atque ita sane omnes decipiuntur, sicut & hi, de quibus paulò ante loquebamur, poetæ; qui grande aliquod poemam aggressi scribere; ignari, qualis in eo requiratur dispositio; mox digrediuntur in leuem aliquam descriptionem, quæ ad partem, seu particulam, potius, quàm ad totum poemam spectat; Non admodum dissimiles hi dici possunt fabri illius ærarii, qui IMVS appellabatur, officinamque habebat circa Aemylum ludum; is enim perite admodum, & artificiose, ungues & capillos exprimebat in suis simulacris, quæ partem quædam sunt totius corporis valde exiguæ totum autem simulacrum, & primarias ipsius partes, ut pote vultum, ceruicem, pectus, & brachia effingere prorsus nesciebat. Quòd si alicui sanæ mentis homini optio detur, non magis, velit huic similis esse, quàm corpus quidem habere ab aliqua parte formosum, atque laudatum; ab aliqua verò parte deforme, ac ridiculum, quales ii sunt, qui nigros oculos, & capillos habent, distortum autem, & prauum nasum; Quamobrem rectè aliquis huiusmodi poetas monere possit, ut ne tam grandia sibi proponant poemata scribenda; sed materiem suis viribus parem assumant, & diu, multumque considerent, quantum suo ingenio assequi

possint; ii enim qui suis viribus omnia metiuntur, neque maius subeunt onus, quàm sustinere possint; & in narrando satis facundi, & vberes sunt; neque ordinem rerum, in quo summa virtus est, peruertunt. Siquis autem quærat, qualis ordo in poemate requiratur grandi, & Epopeico, sciat velim, hunc potissimum requiri, vt res quidem ipsas non ita persequatur, aut narret, sicuti deinceps gesta fuerunt; hoc enim historici est, non poëta; sed aliqua quidem arripiat dicenda, quamuis ab extremo desumpta, mox redeat ad prima, & rursus, quæ consequi videbātur, in aliud differat tempus; Hoc vero quæ ratione fiat, facile perspiciet, qui Homerij poemata diligenter obseruarit, & scierit Epopeicum poema per annunciationem, vt Aristoteles in Poët. docet, proferri, eundemq. diuersis susceptis personis, varios referre sermones, quod ipsum sanè facit, vt pulcherrimus in hoc genere poematis ordo constituatur, quem qui sequuti non sunt, nescio quidem, an poëta vix sint appellandi; Vergilius certe in Aeneide sequutus est, sicuti patet lib. i. ii. iii. & iiii. Apollonius, qui Argo nautica scripsit, hunc ordinem non adhibuit in suo poemate, quamuis in reliquis mirifice exequatur poëta munus. Atque hæc quidem hætenus à nobis dicta sint de ordine Epopeici poematis, quod temere multi poëta aggrediuntur scribendum, cū nesciant, quanto artificio sit opus. Non minus vero iidem reprehendendi sunt, quòd temere verba noua confingere student; non quidem quòd dictiones nouas proferre non liceat; sed modus in hac re adhibendus, videndumq. vt id caute, & rarè fiat. Duabus in primis de causis concedi potest verborum innouatio, vel cum iunctura verborum, quorum significatio suapte natura vix videtur coherere posse, nouitatem quandam præ se fert; vt si quis comas arborum dicat, quod ipse protulit Horatius; in hac enim iunctura verborū nouitas inest; quia non est ante vsitatum, vt coma arborum diceretur, sed hominū tantummodo; tamen si hoc etiam referri potest ad iuncturam, hoc est, compositionem verborum, quæ sæpe facit, vt verbum ex duobus vsitatis compositum, nouum appareat; quale illud est Catulli *MVL TIVOLA* est mulier. & illud Vergilii: *VELI VOLVM* mare. Altera causa, propter quam licet innouare verba, hæc est, cum cogimur res obscuras; neque ab aliis antè dictas nouis dictionibus explicare; hinc Ciceroni licuisse videmus, quàmuis id pudenter faciat, & nisi petita prius venia, in philosophia veterū Græcorum mandanda literis Latinis. nouas subinde proferre dictiones, quòd ipsum etiam facit Lucretius; ne multa silere cogere. Propter egestatem linguæ. Siquis normam hanc sequatur, & cautionem in verbis innouandis, quæ maiorum suorum ætate nunquàm fuerint prolata; hic, me iudice, non errauerit. Verba autem noua, quoniam sæpe reici solent ab hominibus, videndum est quo modo probari possint; Atque, vt summatim id dicā, eius rei videtur hæc vna esse ratio, si videlicet ex Græcorum fontibus deriuentur; atq. id parè tamen, nam si quis asserat, nobis non licere vllum innouare verbum; is mihi respon-

deat

deat velim, cum id licuerit efficere CAECILIO, & PLAUTO, qui prius vixerunt; cur itidem non liceat VERGILIO & VARIO? Atque ut hos præteream doctissimos viros, quibus id fortasse pro suo iure concedatur propter singularem eruditionem, & summam in literis auctoritatem & dignitatem; cur non etiam cuius hoc ipsum concedatur? & cur inuideatur is, qui possit doctè & aptè fictas novas aliquot dictiones comparare? Nam si CATO; & ENNIUS, ceterique superioris ætatis homines Latinum sermonem locupletarunt, & multa nomina nova rerum protulerunt; non est, cur ceteris hoc idem ius denegetur; & innovandorum verborum potestas eripiat. Licuit certè, & semper licebit etiam posthac novas dictiones confingere; modò agnoscant homines, cuius ætatis illæ sint, non secus ac numismata solent agnosci ex nota, quam præferunt; Nam sicuti arboribus folia modò decidunt, modò renascuntur pro diuersa temporum ratione; ita etiam verba, alia quidem intereunt, & abolentur; alia verò rursus enascuntur, & florescunt. Quid verò mirum, si hoc contingit? nam ipsimet homines morti additi sunt; & res ipsæ etiam naturales mutationem & interitum patiuntur. Sæpè videre est, ubi terra erat, eò mare influxisse, & rursus, ubi aquosæ erant paludes; ibidem desiccatis aquis, opimos, ac feraces esse agros, arationi, & satiani aptos. Fluviorum quoque cursus sæpè mutantur, & alio decurrunt alueo, siue in spontè fiat; siue hominum labore, & opera, qui, quòd viderent eorum inundatione segetes perimi, & arua prærodi; aliò magna vi aquarum fluxum impulerunt; Quòd si in his rebus tanta mutatio, & vicissitudo est, quis sperare debeat, sermonis Latini eandem semper fore speciem; & eius venustatem nunquam interituram? Res quidem aliter sese habet, nam multæ dictiones, quæ iam obsoletæ erant factæ, rursus pristinam acquirunt dignitatem; multæ quoque, quæ nunc in magno sunt honore, contemni incipient, sic volente ipso usu, qui arbiter est veluti quidam, & summus magister loquendi, & normam pro suo arbitratu hominibus singularum dictionum præscribit. Atque hæc quidem à nobis hætenus dicta sunt de verborum innovatione, in qua imperiti illi poëtæ, quòd nihil non putabant sibi licere, valde decipiebantur. Non minus verò peccant iidem poëtæ, qui cum res gestas magnorum Regum, & Ducum, pace, belloque scribant, alio quo vis utuntur metro, quàm quo uti decet, quòd si id ignorabant, discere tamen poterant à præclarissimo omnium poëtarum Homero, qui primus monstrauit, quo metrorum genere bella possent describi. heróo scilicet, & hexametro, quod ideo huic poematum generi aptum est, quia multum in se ponderis, & firmitatis habet. Sicuti etiam præclare docet Arist. in Poët. Atque id sanè optima factum est ratione, nam singula poematum genera proprios habent numeros, & metra, quibus proferri debent, pro materie earum rerum, de quibus agitur; Hinc factum est ut olim elegis versibus lugubres naniæ, & querimonix scribi cæperint;

tametſi poſtea amores, & luſus quidam iocoſi eo genere metrorum in-
cluſi ſunt, vt facile iam obſeruare poſſit aliquis, quæ materies elegis
apta ſit: qui quidem, ſi quæras à quo primùm inuenti fuerint; ignora-
re me ingenuè fateor; nam de ea re adhuc inter ſe certant grammati-
ci: & nondum lis eſt diiudicata. Iambici verſus, quibus ante poëtæ
uſi ſunt, & Archilochus in primis, ad maledicendum, vndè & ipſe
Iambus appellatus eſt. Sicut in Poët. docet Ariſtoteles aliquantò
poſt aſciti fuerunt à Comicis, & Tragicis poëtis ad ſua poëmata ſcri-
benda; nam vt etiam Ariſtoteles ait in Poët. Iambus proximè acce-
dit ad ſolutam orationem, & homines inter ſe colloquentes in quoti-
diano conuictu multos ſine vlla meditatione proferunt iambos: Quo-
niàm igitur in Comœdia, & Tragœdia ineſt imitatio earum rerum,
quæ ab hominibus ſiunt, dum inter ſe colloquuntur; eo opus fuit me-
tro in tali poëmaturum genere. Adde quòd metrum hoc, tametſi ſimi-
le eſt ſolutæ orationi, vincit tamen popularem illum loquendi mo-
dum; & aliquantulum à vulgari conſuetudine recedit; vt enim poë-
ma aliquod dicatur, non tantum imitatione opus eſt, ſed etiam me-
tro; non quidem quòd metrum abſque imitatione poëtam vllum ef-
ficiat; Sed & ipſum requiritur tamen, ne nimium ſoluta ſit oratio, ſi-
cut etiam in Poët. innuere videtur Ariſtoteles. Lyrico poëmati aptiſ-
ſime inferuntur Deorum, & Heroum laudes; nec non etiam iis cele-
brare licet, qui in Olympiis, aut ceſtu, aut quadrigis, aut curſu exti-
terit victor; poſſunt etiam hoc genere poëmatis amores iuuenum de-
cantari, & laſciua carmina deſcribi. Hæc quidem, vt diximus; ita
distinguenda ſunt; & ſingula ſingulis adaptanda; Quòd ſi quis hæc di-
ſtinguere neſciat, omniæque perturbet, atque commiſceat ſua inſci-
tia, non debet is inter poëtas connumerari; Atque eò magis ſanè hoc
hominum genus deteſtandum videtur, quia in ſuo errore pugnaces
ſunt; maluntque perperam ſcribere, & defendere ea, quæ praua ſunt;
quàm diſcere id, quod rectum eſt. Verſibus Tragicis res Comicæ
tractari non debent: nec è contrario res Tragicæ verſibus Comicis;
ſed & his, & illis ſuis tribuendus eſt honos. non negarim tamen inter-
dum ſermonem in comœdia aſſurgere, & pleniorẽ fieri, cum præſer-
tim delitigantem aliquem ſenem iracundum, aut militem ſuas res ge-
ſtas iactantem inducimus; In Tragœdia quoque plerunque humilem,
& tenuem proferri orationem ſimillimam Comicæ, cum præſertim
Herodes calamitate aliqua preſſi, dolentes, & opem implorantes indu-
cuntur; tunc enim minimè opus eſt vt turgido, & nimis elato ſermo-
ne; alioqui auditorum animos non commouerent, neq. commiſeratio-
ne digni viderentur, ſi inflata & grandia proferrent verba: qualia ipſis
conueniebant, antequàm in miſeriam laberentur. Obiiciat ſe mihi
hoc loco aliquis, & dicat, ſi id fiat, corrumpi omnem venuſtatem & gra-
uitatem poëmatis Tragicæ, quod nihil niſi grande & elatum recipit;

Huic

Huic ego ita respondendum puto, non satis esse, vt poemata venusta sint, & dignitatem suam seruent; nam dulcedine quoque, & suauitate quadam sunt conspergenda, vt possint auditoris animum inflectere in quancunque voluerint partem; ita enim comparatum est natura, vt homines eodem genere perturbationis moueantur, quo illum moueri vident, qui loquitur; Hinc fit, vt ridenti arrideant & flenti flentes ipsi quoque præsto sint; Si igitur in tragoedia vllus est Heros, quàm libet summo loco natus, qui alios ad stertum, & commiserationem impellere velit, ipsi nimirum est primum flendum, ac lugendum, talisque eius debet esse oratio, vt non imperiosa, sed remissa; non clara, sed humilis appareat. quòd si secus loquetur, ac fortune miserabilis exitus postulat, spectatores aut non satis attentè audient, aut ridebunt etiam; ei enim qui aduersa consistatur fortuna, præterquàm quòd vultu mœstitiâ præ se ferre debet, conuenit etiam sermo tristis, ac lugubris. Homini vero, qui ira fuerit succensus, sermo attribuendus est minarum plenus. Iocosus hominibus, & ludere volentibus lasciuia, ac petulca verba competunt; sicuti feueris grauior. Neque vero hæc temere fiunt; nam ita postulat non solum artis, sed etiam naturæ ratio; Natura enim ipsa primum intimos hominum animos effingit, & impellit modo ad hunc, modo ad illum habitum, vt vt res vel secundæ fuerint, vel aduersæ; Hinc fit vt aut læticia euehantur, aut ira concitentur, aut graui aliquo mœrore pressi iaceant. Porro ex huiuscemodi animorum affectionibus varii existunt sermones; lingua enim veluti quidam interpret animi est; & quicquid animo prius homines conceperint; ipsa postea profert, & explicat; Si igitur dissidium fuerit inter linguam, & pectus; verbaque non videantur competere interioribus animorum habitibus, & affectionibus, meritò ab omnibus fuerit explodendus, & ridendus ille poëta, qui artis huius ignarus longè diuersam sequutus fuerit viam, & rationem in scribendo; hoc vero vt commodius fiat; præterquàm quòd ad interiores animi affectiones respiciendum est, personarum quoque conditio, studium; natio & ætas est consideranda; nam pro harum rerum diuersitate diuersos quoque mores existere necesse est; de qua re copiosè etiam Aristoteles agit in Poëtica, vbi de moribus loquitur, quidquid in his seruandum sit docet. Atque id vt exemplis apertius fiat, aliter loqui inducitur Deus aliquis, & Heros; multoque aliter senex, ac iuuenis, qui adhuc florebat sit ætate, & cupiditatibus serueat; longèque diuersus sermo attribui debet matronæ alicui, quæ nobilis fuerit, ac potens; atque nutrici, quæ in primis sedula, & officiosa effingi debet; Alio etiam virtutis sermone mercator, qui multas per regiones peregrè profectus fuerit, & rusticanus agrorum cultor; Dissimiles quoque erunt in sermone Persæ ac Mædones; Colchi, & Assyrii; Thebani, & Argiui; ceterique, qui aut natione, aut patria inter se differunt; Quare ego scriptores poematum monuerim, vt in personis effingendis magnâ adhibeant diligentiam,

quod ut facilius intelligatur, ita puto distinguendum. Persona, quæ loquens inducitur à poëta, duplex est, aut vetus, aut noua; Veterem appello, quæ ab aliis poëtis antè fuerit sæpe inducta. Nouam verò, quæ tunc primum efficta sit. Exemplum veteris fuerit huiusmodi. Achilles apud Homerum primum, deinceps apud alios omnes poëtas iracundus, acer; impiger ad labores suscipiendos, inexorabilis effingitur, eoque ingenio præditus, ut legibus se velit esse superiorem, & robore corporis, atque armis fretus, nihil non putet sibi licere. Medea in veterum tragædiis ferox, & aspera; atque, ut Euripides vocat, *μεγалоσπαραχος*. Ino flebilis. Ixion perfidus! Iō vaga. Orestes tristis, & furiis maternis exagitatus. Atque hæc quidem de persona veteri dicta sint. Si vero noua effingitur persona, quod rarò accidit in tragædiis; quia ut Aristoteles ait, paucarum familiarum sunt, & nomina noua confingi non possunt; In comædia verò frequenter, nam pro arbitrato suo vnusquisque & argumentum comminisci, & nouarum personarum nomina excogitare potest. Si igitur hoc fiat, diligenter videndum est, vt mores earum personarum sibi consent, & seruent eam, quam Aristoteles in Poëtica *δμολογαν* vocat. turpe enim fuerit, & indecorum, si diuersa conspiciatur in extremis actibus; ac ab initio processerit in medium; multo verò difficilius est nouum tractare argumentum, & nouas effingere personas, quàm insistere veterum poëtarum vestigiis; nullusque est, qui non possit aptius mulò, & facilius tractare res Troianas antè ab Homero descriptas, & ex ipsis sibi desumere dramata tragica, quàm proferre res ignoras, neque prius auditas; Quòd si quis ideò nolit hoc efficere, quòd putet non satis magnam sibi proponi laudem in exprimendis alienis fabulis; is sciat velim, posse multis quidem modis materiem, quæ ab aliis fuerit tractata, propriam effici. Atque id sanè continget; si poëta noluerit immorari ei rei, in qua ille, qui prius scripsit, multum operæ posuit. Si neglexerit itidem singillatim omnia vertere, tanquàm interpres, qui ab aliorum præscripto nunquàm discedit; si præterea seipsum non intruserit in angustias, vnde exilire postea non possit, & cogatur, velit, nolit, aliena scripta exprimere imitando, ne vno quidem prætermisso verbo; Optimum quoque fuerit, si ab ipso statim initio poëmatis se pollicitatione aliqua grandi & inflata non obstrinxerit ad omnia persequenda, qui enim sub exordium operis turgide, ac magnificè nimium aliquid fuerit pollicitus, non potest id sine magna reprehensione prætermittere; quo vitio olim laborauit Antimachus poëta, cognomento Cyclicus dictus, qui ita exorsus est, *ἦ πόλλ' ἔτι μὲν ἔσται, ἢ νῦν ἔσται, ἢ τότε* „Fortunam Priami cantabo, & nobile bellum. Quid enim tãto erat opus hiatu, aut quid tandem præstiterit vir hic egregius, quod tam inflatis verbis par esse possit; planè, quod in veteri adagio circumfertur, verum esse perspicietur, ex montium partu murem nasci exiguum, quod non minus aptè in huiusmodi poëtam retorqueri poterit

poterit, ac olim à Tacha rege in Agefilaum dictum fuit his verbis.

ὁ δὲ πρῶτος ὁμοῖος τοῖς ἑπείκει δὲ μὴν. Quanto venustius, & verecundius „
exorsus est Homerus omnium poetarum facile princeps; qui cum nihil „
moliretur impudentur, hoc leni usus est principio.

Dic mihi Musa virum, capta post tempora Troia

Qui mores hominum multorum vidit, & vrbes.

„
In hoc tam leni exordio quis non perspiciat, quale sit doctissimi poetæ „
ingenium, quam prudenter omnia egerit; non enim cogitabat ex fulgo- „
re fumum, sed ex fumo lucem dare; ut siquid speciosum postea deprom- „
pturus esset; maiore animos audientium voluptate afficeret, quæ alio- „
qui prorsus fuisset sublata ab inani aliqua, & turgida pollicitatione. Hinc „
cernere est, quanta cum venustate, quasi præter omnem spem audien- „
tium narret de Antiphate; Scylla, & Charybdi. de Cyclope & aliis hu- „
iusmodi; Nec suas narrationes ab ultimo repetit initio rerum; nam „
cum de reditu loquitur Diomedis, non orditur ab interitu Meleagri, „
Troianum verò bellum describitur non repetit à Leda partu; sed pleno „
semper gradu ad exitum festinat, & medias ipsas res aggreditur expo- „
nendas, non secus ac si ex prioribus auditori notæ essent; Quæ verò vi- „
det ornatum recipere non posse, nec sua tractatione illustrari, prætermi- „
tit; nam in minutissimis quibusque rebus videbat sibi non esse immo- „
randum; Iam verò si mendacium vllum profert, id aptissime facit, „
nam falsa veris miscet, diligentèrque cauet, ne medium à principio, „
aut finis à medio discrepet; atque idem planè fecisse videtur, quod Ari- „
stoteles in lib. Poët. observauit, ubi docet, quomodo mendacia à poë- „
tis per paralogismum proferri debeant; Verum, postquam à superio- „
re sermone digressi satis multa de his rebus diximus, non inutile fuerit, „
si demonstratis malorum poetarum erroribus, ipsis certam normam „
scribendi poematis præscripserimus, breviterque declarauerimus, „
quid in dramático poemate, non solum in epopœico seruandum sit. Si „
quis est igitur, qui spectatorum gratiam inire, & plausum, atque ac- „
clamationem ab iis elicere in recitatione sui poematis cupit, debet is „
in primis singularum ætatum quales mores sint, observare, ut in omni- „
bus personis describendis illud à Græcis appellatum τὸ πρέπον ubique „
exprimat; Non grauabor itaque breuiter singula explicare in gratiam „
eorum, qui poemata scribunt, sicut Aristoteles in Rhetoricis ad Theo- „
decten oratorum commodis inseruiens explicat. Puer, qui adhuc te- „
nere est ætate; neque multum tamen ab adolescentia abest, qui & fari „
optime iam didicit, neque in cæssu vacillat, libentissimè cum suis æqua- „
libus colludit, & ad iram facillime irritatur; quam mox acceptæ iniu- „
riæ immemor deponit, & in horas mutatur. De hac quidem ætate nul- „
lam Aristoteles in Rhetoricis facit mentionem, quia oratoris non est „
eius ætatis mores adnotare; quæ nihil prudenter, aut quod in iudi- „
cium venire possit; agit; Poëta verò minutius singula persequitur, nec

tamen ipse, quàmuis multum in omnibus elaboret, inania quæ sunt, considerat; quid enim attinet infantium naturam, aut mores obseruare; quorum nulla in poemate esse potest imitatio; cum eorum sermo, quòd voces effingere nesciant exprimi non possit; Iam verò iuuenes adulti, & impuberes, postquam à latere magistrorum discesserunt, liberamque inierunt viuendi rationem, omnem suam curam, & studium in equitatione, & venatione, quæ duo speciem quandam similem bello, & præliis habent, ponunt; & in gramine Campi Martii palæstra, disco, iaculo, & saltu se exercent; lidem facili in vitiū flectuntur, monitorumque, & reprehensorem pati non possunt; pigri verò, ac tardi sunt in parandis iis, quæ ipsis aliquando vtilia esse posse videantur; Rem à maioribus partam profundunt, pecuniæ parandæ minime intenti; Multis hos videas semper agitari cupiditatibus, ferocique esse animo, ac spiritu; vehementer aliquid appetere, quod cum fuerint adepti, mox præ nimia mentis inconstancia fastidire, ac negligere incipiunt. Virilis autem ætas, in qua iam deferbuere cupiditates, longè diuersa sequitur, nam & diuitias in longos usus sibi parare studet, & gratiæ hominum ineunda, quacunque potest ratione, intenta est, intelligens, quàm firmum præsidium homini propositum sit in rebus aduersis, si amicis, quorum se fidei suæque credere possit, abundaueris; honoris verò appetentior est, nullaque in re maiorem adhibet diligentiam, quàm vt ne cui videatur inconstans; turpe enim putat aliquid committere, quod postea non probarit: Senem autem, vtpote qui iam vergente est ætate, multa incommoda circumueniunt, Rebus partis vti nescit; vel vt verius dicam, non vult, ab ipsis tanquam à rebus lacris abstinens; omniaque timide agit, Negocium aliquod, prius quàm conficiat, sæpe in longius differt tempus; Tantum verò abest, vt, quamuis propè absit à morte, mori cupiat, vt etiam speret, se multos victurum annos; In conuictu difficilis est; morosus, semperque habet in promptu, de quo conqueratur, Rerum antèactarum libenter meminit; suæque ætatis mores semper laudat, & reprehendit præsentem viuendi rationem; Sed nimirum adueniens ætas, & ad maturitatem tendens multa affert hominibus commoda; decedens autem, & ad senectutem inclinans, non modò commoda aufert, quæ attulerat; sed & multis incommodis homines afficit; mirisq. quibusdam discruciat modis. Summa igitur omnium præceptionum nostrarum hæc fuerit: quatenus ad varias hominum ætates spectat, vt poëta diligenter caueat, ne ea, quæ iuueni conueniunt, seni attribuantur; aut quæ virorū propria esse videntur, puero mandentur; semper enim ea, quæ singulis ætatibus adiuncta sunt, sequi debemus, & ipsis, conuenientia quæ videri possint, assignare. Aliud quoque poëta scribenti tragœdiam diligenter considerandum est, nequid absurdum fiat. Hoc verò quale sit, breuiter explico. Res aut agitur ab histrionibus in scena, aut intus acta nunciatur, atque exponitur; ita autem comparata est natura, vt minus moueant animos, quæ audiuntur, quàm

quæ oculis cernuntur; certius enim, & expressius cognoscuntur ea, quæ visu percipimus, quàm quæ auribus; illa enim ipsemet spectator sibi proposita arripit, atque cognoscit; hæc verò aliunde in animum per aures intruduntur; Debebit igitur attentè operam dare poëta, vt internoscatur; quæ agenda, quæ ue non agenda sint in scena; nonnulla enim intus occultanda sunt, nec in scenam promenda; Atque vt ne ignorentur, cum fuerint ex oculis sublata, peropportune hoc à veteribus excogitatū fuit; vt ab aliquo narrentur, postquàm acta sunt, neq. enim humanitas, & molitudo animorum patitur, vt Medea coràm populo filios suos trucidet; aut Atreus vir. maxime nefarius Thyestæ fratris sui filium enectum palam coquat, & patri comedendum apponat; aut Progne plūmas induat, & in auem veratur; Cadmus autem in anguem; si enim huiusmodi spectanda præbuerit poëta in scena; quæ crudelitatis plenissima sunt; præterquàm quòd illa sua atrocitate animos offendent spectatorum; hæc quoque non erunt similia vero; necesse est igitur, vt & nulla fide dignus appareat, & multum in se concitet spectatores. Est & aliud, in quo vigilare oportet tragicus poëta; si modo sibi laudem parare studet, non enim decet pauciores, aut plures quinq. actibus in fabula poni; nam hæc fuerit iusta ipsius magnitudo. Quatenus verò spectat ad machinam, & qua calitus Deus aliquis in scenam ducitur, sciendum quidem est, consuetudinem hanc à veteribus introductam, qui putabant fabulam aliter solui non posse, propter maximas contentiones, & turbas, quæ sæpe inter homines existunt; huius rei exemplum qui volet, sibi sumat ex Euripidis Iphigenia, sub finem; iidem in Helene; nam Minerva, Castor, & Pollux Dii per machinam inducuntur, ea ipsa de causa, quam diximus. Consuemus igitur non vbique machinam adhibendam, sed tum solummodo, cum aliquid inciderit, quod labore hominum, & industria confici non possit, Deorumque ope; ac potentia egeat. Aristoteles tamen in lib. Poët. totam hanc consuetudinem reprehendit, putatque omnino esse è medio tollendam tum, quòd præter verisimile fit; tum quòd ingenioso poëtæ opéra danda est, vt solutionem fabulæ non extrinsecus, nam id parum artis in se habet, sed ex ipsamet fabula petat, quòd videtur diligenter à Sophocle seruatum. Non minimum quoque ad artem spectat, vt quarta persona, quæ in colloctionem venerit, pauca loquatur; nam sicuti scribit Iulius Pollux lib. iiii. Si quartus histrio aliquid profert, id ipsum παράδοσις, *paradosis* vocatur, & quoniam in tragædiis inferitur chorus; huc quoque operam suam conferet poëta, vt omnia summo artificio facta videantur. Debet chorus suavis velut cuiusdam, & monitoris partes sustinere; grauitatēque, & constantiam omnibus in rebus præ se ferre, qualis maxime decet fortes viros. Illud in primis cauendum, nequid inter medios actus concinat, quod non cohæreat cum fabula, & spectet ad id, quod sibi ab initio transigendum proposuerunt personæ illæ Dramaticæ. Et ideo prudenter, docteq. monet Arist. in Poët. Oportere

choros tragicos *συνοικισσάμενοι*, uti videre est apud Sophoclem; nam Euripides alicubi diuersam secutus est rationem, quæ satis probari non debet; Cum enim in tragico poemate imitatio sit hominum, qui inter se negotiantur, ac colloquuntur de re seria, & graui, nihil ab iis debet proferri, quod cum reliquo sermone non sit coniunctum. In primis vero chorus faueat bonis, & aduersetur improbis, & eos, qui in rebus agendis ancipites fuerint, suo consilio iuuet; Iratos homines blando sermone molliat, ac mitiget; eorumque se semper studiosum præ se ferat, qui ab omni vitiorum genere abstinent; laudet frugalitatem in conuictu; ebrietatem, & nocturnas compotationes detestetur. Iustitiæ, & æquitati faueat; leges tueatur; ciuium concordiam foueat, & bella propulset, ut suis in ocio vivere liceat, & omni metu liberi sint; qui ab hostibus grauis sapè impendère solet. Eius fidei, si quod arcanum fuerit commissum, constanter tegat. Demum Deos immortales oret, ut bonos viros è calamitatibus ereptos, pristina restituant felicitati; superbos vero, & insolentes homines graui aliquo incommodo vrgeant, ne suo fastu cæteris nocere possint. Hæc atque huiusmodi choro attribuenda sunt in tragœdia; nam qui hæc seruauit, laudatissimus poëta ab omni fuerit parte, eiusque scripta sæculis permancbunt innumerabilibus. Verum his omisissis reliqua persequamur. In tragœdia paulatim, sicuti in cæteris artibus, omnia inuenta sunt, & aucta; & quæ ab initio rudia erant, atque exigua, suum incrementum, & ornatum adepta sunt, quod ex tibiis satis demonstrari potest; erant enim olim tenuës, ac simplices, neque multa habebant foramina; sonumque emittebant admodò exilem, ut choris quidem satis esset; sed magna theatra, & spissa sedilia, quæ postea extiterunt, complere non possent; carebantque eo ornamento, quo nunc exornari solent; orichalco scilicet; sed ita sanè ferebat eâ ætas, ut rudes essent, & inornatæ; postea autem magnitudine admodò creuerunt, ut cum tubæ sonitu facile certarent; neque verò theatris magnis, aut grandibus tibiis olim opus fuit; cum Romæ non innumerabilis, ut nunc, esset populus; sed paruus; neque delitiis, & luxu circumstueret, sed frugi, castus, & verecundus; Postquam enim impetii fines propagari cœperunt, & murorum ambitus, qui urbem cingerent, amplior factus est, crescente in dies multitudine; & festis diebus in honorem Genii sacra instituta sunt; in quibus omnia summa cum hilaritate; & impunitate fiebant, numeris quoque tibiarum, & modulationibus mollioribus; minúsque grauib; uti ceperunt; Neque verò hoc mirum cuiquam videri debet; nam nullus est sanæ mentis homo, qui ab indocta multitudine, quæ ex vrbanis, & rusticis hominibus commista sit; si præsertim omnium curarum & laborum vacationem habeat; quamuis autem non deessent viri graues, & honesti, qui ea non probarent, non poterant tamen alios cohibere, aut moderari; ita igitur factum est, ut tibicines, neglecta prisca numerorum grauitate mollius, ac lasciuus canerent; & ad luxuriam augendam talaris vestes, & syrmata indu

indutus per pulpita incederet. Non dissimili ratione etiam lyrica poësis aucta fuit, & cum antea omnis ipsius oratio præceps esset, & extemporaria, meditata diu, & bene composita vti cœpit; vt non multum differret à Delphicis carminibus, quibus oracula dantur. Tragedia quoque amplificata est, nam inferi cœperunt satyrica recitationes; quod hac de causa videtur factum. Spectatores tragicarum rerum, quæ seueræ sunt & atroces, imitatione, & recitatione sæpè defatigabantur. Erant igitur illorum animi relaxandi iocoso aliquo sermone, vt attentius, veluti renouati, & recreati reliqua audirent, & spectarent; Fuisse verò hoc necessarium factum quis neget? si consideret, non nisi post sacra peracta, & libationes bene potum, quasi omnibus solutum legibus spectatorem illis recitationibus interesse consueuisse. Aristoteles quoq. in Poët. innuere videtur, satyrica tragicis immista, sed mox sublata; neq. enim cōueniebant, quòd satyrica poësis magis esset saltatoria, & tetrametro vteretur versu, qui propter suam longitudinem maxime aptus est ad saltationem; Quatenus verò ad consuetudinē hanc spectat intermiscendi satyras, quæ lasciuae sunt, tragediis, quibus nihil est grauius, & magis seuerum. Ego ita sentio, dandamq. esse hanc veniam, modò cachinnus, atq. dicacitas satyrica eòusq. progrediat, vt non corrumpat tragicam grauitatem; neq. nimis magna repente mutatio fiat rerum grauiū in res leues; & sermo, qui ante seueritatis erat plenus ad infimam humilitatem redigatur; & dum grauiā vitare studeat inania sequatur. Adhibendus igitur erit modus in satyricis his recitationibus, vt & breues sint, & aliquanto minns miordaces. Tragedia enim instar est matronæ alicuius, quæ festis tantum diebus domo egreditur; magnāq. cum dignitate incedit; pudoris sui vbiq. rationem habens; Quantum verò ad dictiones spectat, quibus vti debemus in satyris scribendis; non satis est, vt simplices sint, & propriæ; multūque dissimiles à tragicis, quæ fucatae, & grandes esse solent; Sed videndum quoque, vt ne declinent ad comicam humilitatem; Satyricus enim sermo à comico multum differt, mediūq. veluti quendam locum obinet inter tragicum, & comicum. Qui igitur satyricum scribit poëma, dabit operam, vt nota quidem tractet, non secus, ac comici, & humilia, nam materie parum differunt; non tamen notis verbis, sed fictis, & alio quodā modo rem eandem adumbrantibus, quod sermonis genus in primis lepidum est, & suaue, quali vsus est Horatius ipse vbiq. in Satyris, & Epistolis; atq. in hoc ipso etiam libello Poët. sicuti vnusquisque per se potest cognoscere; atq. vt ne exemplo locus hic careat; quemadmodum ipsemet Horatius in hoc libello populares homines, ac plebeios volens significare ait. Nec siquid fristi ciceris probata aut nucis emptor. Eius generis sermonis, de quo loquor, hæc summa virtus est, vt quilibet, quidem legens eo modo se scribere posse speret, sed si peticulum faciat, nō assequatur; & idem planè ei contingat, quod Cicero de optimo orat. sermonis genere loquens, ait, Cogitanti quidem multa esse facilia; experienti autem nihil minus. Optimum enim

illud est loquendi genus, quod sua facilitate incautos homines decipit. Est & aliud quiddam diligenter obseruandū in satyrico poemate, nequid præter decorum fiat; Cum enim personæ Satyrorum, qui in syluis, & locis agrestibus educati versari solent, loquentes inducantur, non est ipsis attribuendus sermo vrbānus, ac penè forensis, tanquā si in triuiis ciuitatis, & angiporū aliquo versarentur; nam si Satyrorum sermo, nimium mollis, ac lasciuus fuerit, obscenitatēq. magis vrbānam, quā rusticanam præ se tulerit; equites, & senatores, qui aliqua dignitate sunt, & auctoritate præditi; possuntque doctè de literis iudicare, æquis animis ipsum non audient, neque vlla laude, aut præmio dignum censebunt, tametsi fortasse vulgus hominum rude, quod in iudicandis poetarum scriptis parum omnino perspicit, quid rectum, quid ue non rectum sit, id ipsum loquendi genus probarit. Verum de satyrico poemate hætenus dictum sit. Nunc redeo, vnde digressus fueram; & de tragædiæ artificio loquor, quod quia magna ex parte consistit in numerorum, & versuum apta concinnitate; de ea quoque breuiter est dicendum; quandoquidem multi peccare visuntur. Dictum est à nobis antè ad tragica poemata scribenda Iambicos versus ascitos fuisse, quod orationem redderent similem solutæ. Iambus pes; quoniam syllabam longam habet alteram breui subiectam, celer est, & rotatili quadam volubilitate; Ab eo trimetri versus, qui senis constant pedibus, iambici dicti. Sed quoniam iamborum celeritate nimium levis efficiebatur oratio, vt aliquanto grauior, & tardior esset, spondæi intermisceri cœperunt, qui stabiles sunt, ac lentī; sed ea tamen lege, vt secunda, & quarta sedes iambis semper reseruaretur; in reliquas admitterentur; & iambi, & spondæi; Ennii, & Accii versus raros habent iambos; & ideo; quod grauiores sunt, laudatiorēs quoque; videndum tamen, vt in hac re moderatio adhibeatur; Nam si abundarint, plus nimio, spondæis versus tragici, & magno cum pondere pronunciati fuerint, quia non expriment imitationem quotidiani sermonis; duplicem subibunt reprehensionem; nam incusabitur primum poëta, qui tales fecerit versus, quod impatientis moræ sit, neq. multum operæ ponat in suis versibus expoliendis; si enim eliminare eos voluisset, amouendi erant spondæi; etiam si id magno interdum sit labore; & ipsorū loco iambi reponendi. Verum qui laborem subterfugit elimandi versus suos; eosq. spectandos offert, ac legendos ea forma, qua primum celeritate quadam mentis fuerint effecti, nil mirum si in hanc incurrit reprehensionem. Deinde non carebit suspitione ignoratæ artis; quæ quidem res multum in se turpitudinis habet; Hoc enim ars potestulat, sicuti ante diximus, vt poëticus sermo proxime accedat ad similitudinem quotidiani, quo inter se colloquentes homines vtuntur; Frequentia igitur illa spondæorum hanc imitationem tollit; plures enim iambos proferimus, dum inter nos colloquimur. Dicit fortasse aliquis, me nimis accuratum esse in numeris etiam ipsis ponderandis, & potuisse hoc facile prætermitti, nam magni nō refert, tardior ue an celerior versus sit, modo aptè

apud sententiam de quavis re exprimat; Huic ego respondendum puto, verum quidem illud esse; non ab omnibus perspicui malè modulata poemata; & ideo sæpe à maioribus nostris datam veniã indoctis poetis; cum tamen dari non debuisset; Sed quid tum postea? Iccircòne aliquis putet sibi licere vagari, nullamq. certam sequi normam in scribendo poemate; quod certò sciat à paucis sua errata perspectum iri. vel si etiam perspiciantur, speret se veniam consecuturum. Atqui non satis est reprehensionem euitare, si laudem etiam non paraueris; Quamobrem ego huiusmodi poetas monuerim, ut Græcorum scripta, die, noctūque legant, ii enim optimi sunt scribendi magistri; nihilque vnquam protulerunt sine summo artificio. Hos igitur velim sibi proponant imitandos, qui laudem assequi voluerint; & obseruent, quibus verbis, qualibūque numeris vsi fuerint. Aetate nostrorum maiorum, plurimi, ac ferè omnes, quòd non multum iudicio valerent, nimium, sicuti mihi videtur, patienter audierunt, & approbarunt sales, & numeros Plauti; nam & in iocis immodicus est, sæpe etiam insulsus; in numeris verò parùm inferuisse videtur auribus doctorum hominum; Quare satis mirari maiorum nostrorū inscitiam non possum, qui Plauto tantum tribuerint; Sed nos, qui aliquanto diligentius rem considerauimus, illum planè damnandum censemus, hocque non minus verè, quàm liberè proferimus, ut, si se res aliter habeat, non recusemus magno etiã cum discrimine nostræ dignitatis, iudicandi hanc aleam subire, ut quantum de hoc nostro iudicio, tantum de eruditione, & dignitate nostra dematur; sed non vereor, ne id quod diximus, non placeat doctis viris, qui sales vrbanos ab inurbanis, et sales ab insulis diiudicare sciunt, & aures ita habent assuetas; ut legitimum numerorum sonum statim dignoscant. Apud Græcos numerosa poemata sunt, ac bene modulata; eo planè, quo antè diximus, modo; sed neque id statim ab initio fecerunt; nam Thespis primus tragici poematis imitationem excogitasse fertur, & homines, qui versus recitarent inconditos; nec satis cultos; plaustro vexisse per urbem, non personatos quidem, sed fece illitos vulvum. Verum aliquantò post Aeschylus, & personas, & pallam, & pulpiti ædificationem; aliq. quàm plurima inuenit, ut non immerito à veteribus Græcis tragœdiæ parens fuerit appellatus. Ipse verò in primis docuit, quo genere sermonis scribenda esset tragœdiæ, et numeros adhibuit maxime convenientes; Non multò post eam ætatem in lucem prodit cômœdiæ; quæ verus dicta fuit postea; magnopereque aliquandiu placuit; sed improbari cœpit propter nimiam dicacitatem; impune enim, etiã ipsi nominibus prolatis, huic, & illi maledicebant; Eo igitur res redacta est, ut lege cautum sit, ne quis huiusmodi poemata, iniussu magistratus in scenam deduceret; & sic cômœdiæ vetus paulatim negligi cœpit; sicut etiam Aristoteles in Poët. scribit. Verum quaecūq. id fuit poematis genus, viguit aliquandiu; & Latinis imitandi occasionem præbuit; nihil enim intentatum reliquerunt; Nam quicquid ausos fuisse Græcos videbant, ipsi quoq. audere

cœperunt; imò tantus ipsis inerat scribendi ardor, vt etiam, sine Græcorum præscripto, de rebus Romanis comœdias cōscripserint, quæ prætextatæ, & togatæ postea dictæ sunt; nam quas à Græcis transtulerant palliatis vocabant; Nec sanè parum laudis ipsis, vel ob hoc vnum, tribui debet; magnum enim specimen sui ingenii, & eruditionis dederunt; Cum Romanarum rerum argumenta scribentes, cum Græcis ferè de summa laude concertarunt; Ac nimirum Latini homines nō minus eloquentia, et artificio scribendi, quàm armis, et rei militaris scientia Græcos excellere, si nostros poëtæ in elimandis, & corrigendis suis scriptis operam ponerent; neque statim, quod semel ab ore exiit, quamuis non satis meditatū probarent. Sedulitas in corrigendis versibus hoc assequeretur, vt & multæ dictiones aptiores, lucidioresque ponerentur, ac veluti de loco non suo minus aptæ truderentur, numerique, id quod in primis postulabamus, suauiores essent, & accommodatiores imitationi effingendæ. nam nullum poëma satis probandum est, nisi multa meditatione fuerit scriptū, ac magno labore emendatum. adeò vt adhibita litura quàm plurima fuerint ex eo sublata; & multa immutata, vt tum denum probetur, cum in eo nihil obscurum; nihil rude, nihil asperum appareat; sed omnia sint lucida, & expolita; instar marmoris, quod ad vnguem elaboratum sit. Inualuit inter homines verus quædam opinio, quæ à Democrito primū fluxit, ingenium plus conferre poëtis ad scribendum, quàm ars; fortunatosque esse, & omni copia abundare, qui ingenio valent; Artem verò ab iis tantum necessario adhiberi, qui cum tardi sint, & hebetes, velint, nolint coguntur. multum adhibere cogitationis; & ab arte ipsa, cum nullum à natura habeant, adiuumentum aliquod petere. Idem Democritus in numero poëtarū eos non censebat esse ponendos, qui furorē aliquo non agerentur, & mente essent sua abalienati; Hinc videas multos, qui videri student poëtæ, barbam alere, vngues non recidere; solitudinem petere, vitare forū, curiam, & balnea; vt prorsus insanire videantur. Sed agant vt lubet; Ego enim malo incūte vere, sicuti meus est mos, quorannis atrā bilem aliquo pharmaco purgare, quàm ea non eiecta *μῶν, γὰρ*, si modo verum est, melancholicos solos ingeniosos esse; Quod si non potero laudatum aliquod scribere poëma; rectè tamen diiudicabo aliorum scripta; ac veluti censor, quidem, & Aristarchus adnotabo, quid rectè, quid perperam dictum sit. Præceptionesque volentibus tradam; quas si fuerint secuti, aptè scribant; vt cum ego parum idoneus ad scribendum sim; alios tamen iuueni meis præceptionibus, neq. multum coti dissimilis sim, quæ cum ipsa ob duritiem suam, & hebetudinem secare non possit; ferrum exacuit, quo omnia secantur; Docebo igitur in primis, vnde sibi aliquis verborum, ac rerum copiosam suppellectilem parare possit; quidque sit, quod poëtæ ingeniu alar, effingat, & confirmet. Demonstrabo etiam quid deceat in poëmate sequi, quid non, & quantum momenti in se habeat, ac ponderis recta ratio scribendi, & deniq. quàm diuersum ad finem deduc

deducantur homines, qui errore lapsi temerè scribunt. Atque ut hac de re in præsentia summatim aliquid dicamus, sapientia non est ab eloquentia disiungenda; Qui enim pectus multarum rerum cognitione non habet imbutum, inania necesse est proferat verba; Videndum igitur scribenti primùm, ut habeat rem, de qua loquatur; neque ei desint multa ornamenta, quibus eam locupletare possit; Hoc verum esse facile aliquis intelligat ex Socratis disputationibus, neque sanè est, quòd quisquàm vereatur, ne in dicendo disertus, atque eloquens esse possit, si maximarum rerum scientiam sibi comparauerit, in primisque perceperit eam philosophiæ partem, quæ de moribus agit, & ciuitate rectè administranda; docent enim ii, qui de his rebus scribunt, quantum patriæ, & amicis quisque debeat; quatenusque in rebus agendis, salua dignitate, homines progredi possint, ut ipsis utilitatem afferant. Præscribunt etiam, quali amore parentes, & fratres, & hospites complecti debeamus; multiplex enim cum sit amoris, amicitiaq. genus; & diuersas habeat causas, quid alterum ab altero differat, quod ue maius, minusue sit, diligenter est considerandum; Proferunt quoque quid senatori conveniat, quale sit iudicis officium, & imperatoris, qui bellum cum hostibus pro suorum ciuium salutem gerat. Hæc, atq. alia omnia, quæ eiusdem sunt generis qui exactè didicit poëta, facile munus scribendi exequetur, & personis attribuet, quod ipsarum proprium, ut nihil non decorum sit, & venustum; Quoniam verò in comicis, tragicis, & heroicis poematibus, in quibus præsertim imitatio est actionum humanarum, personas loquentes facimus, ut pro dignitate sua quilibet loqui videatur, poemam respicere oportet non modo particulatim ad eam personam, quam effingit, sed potius ad generale quoddam exemplar, in quod intuens omnem vitæ, & morum ipsius rationem aptè, & doctè imitetur; itaq. loquentem faciat, ut iam non fictus, sed verus videatur sermo, nam si fabulæ oratio præ se tulerit suis locis aptè locata ornamenta; fueritq. morata (sicuti etiam in lib. Poët. declarat Aristoteles) debet enim in primis oratio poetarum, magna cum venustate exprimere hominum mores, quod antea à nobis copiose expositum fuit, nullamque habuerit venustatem præterea, aut artem; multo magis oblectabit audientium animos, quàm ea fabula, quæ versibus sit contexta ornatis, & lucidis composita dictionibus, fuerit tamen inops rerum; & inanem tantummodo verborum sonitum habeat, ex quo facile perspicitur: plus momenti, & ponderis inesse in morum imitatione quàm in verbis ornatis; non quidem quòd etiam hoc non requiratur, sed quia illud in primis efficiendum est; neque verò esset necesse tales dare præceptiones hominibus peritis, & exercitatis in scribendo, ipsi enim hæc optime norunt, quales Græci fuerunt, qui in scribendis versibus maximè excellunt; nec mirum; nam contempto omni genere diuitiarum, lucri minimè appetentes, totos se contulerunt ad laudem parandam, huiusq. vnus cupiditate inflammatus, maximos susceperunt labores; nostræ vero ætatis homines in ciuitate

poëtarum nonnullos errores leues, quibus venia danda est; nam nullus est artifex, aut professor studii alicuius, qui semper assequatur quod velit; Fidicines non semper eam attingunt chordam manu quam sibi proposuerant; & cum graui opus esset sono, sæpè eam attingunt, quæ acutum emittit; sagittarius quoque quàmlibet peritus non semper scopum ferit; sic etiam poëte non semper id assequuntur, quod ab omni parte decorum, venustumque sit; Quamobrem si in illorum scriptis plurima fuerint laudanda; non reiiciam, etiam si leues aliqua macula fuerint iusperſa; neque ea de causa totum poemã improbabo, nam sæpe fit, vt homines aut incuria labantur, aut suapte natura nonnulla parum perspiciant; Sed quemadmodum librarius, aut scriptor aliquis, si in scribendo peccet; sæpèque monitus non desistat tamen; Citharædus quoque, qui eadem semper chorda oberrat, quamuis sæpè fuerit reprehensus; venia digni non sunt; sic poëta, qui multis labitur in locis; maximè ridendus est, & explodendus, qualis olim narratur Cherilus fuisse; qui grandi illo suo volumine, vix duos, aut tres versus habet venustos; & elegantes: Huius poëta scripta quotiescunque lego, & mihi post multum spatii versus aliquis occurrit non malus; non sine maximo risu admirari soleo; præter enim consuetudinem suam videtur fecisse; Quod si Homerum legens aliquem offendo versum minus elegantem, & politum; illi subirascor; animoque meo exoritur grauis indignatio; quandoque illum, qui peccare nunquam consuevit in scribendo, alicubi video dormitasse, & propter incuriam lapsum; Malus quippè poëta, qui nullum laudabilem facit versum, si fortuito bonum faciat; ridiculus est. Bonus autem aliquis poëta, qui suo ingenio omnia perspicit; magnùmque sæpè suæ virtutis specimen dedit in versibus scribendis; si fortè errauerit, fautores suos, qui illius laudes apud omnes prædicauerant, non parùm offendit; eum enim certò sciant, illum peccare non solere, indignantur, si peccantem viderint, quod paulò fuerit præter morem negligentior, Huius rei exemplum nobis afferre potest ille à Vergilio optimo poëta in laudatissimo poemate semel admissus error; vbi IN ARIMEN insulam appellat, quæ ARIME erat dicenda; deceptus videlicet verbis Homericis, *ἐν Ἀρίμῳ*; in quibus non animaduertit, quàmuis oculatissimus esse soleret; non vnam illam esse dictionem, ac simplicem, sed duas, atque inter se diuisas: Verùm excusatione, ac venia dignissimus est doctissimus poëta, qui semel tantum peccauit in tam longo poemate. Sed nimirum quo differunt inter se modo pictura, eodem etiam modo differre videmus poemata, nam sicuti aliqua pictura est, quæ si propius steteris, te magis oblectabit, aliqua verò longiore intervallo spectari vult; Itidem alia in loco obscuro, non omnino improbanda videtur; alia, quæ omnium fuerit laudatissima si in lucem proferatur, tò ornatiôr apparet, neque in se quippiam habet, quod

vel ab acutissimo homine & maxime perspicaci possit reprehendi; Est & alia quædam inter picturas differentia, quod aliquæ vno per-
lustrantur intuitu; sui que afferunt satietatem spectantibus; Aliquæ
verò, si vel sexcenties singulis horis spectentur, semper habent, quo
animos oblectent, & oculos spectatorum pascant. Hæc quæ de pi-
cturis, à me verissimè dicuntur, ad poësin referri debent; & vnus-
quisque facillè intelliget; quantum inter poëmata inter sit; quidque al-
terum altero præstet. Itaque rem miram, & incredibilem fortasse,
sed verissimam omnino hoc loco dicam; quam velim diligenter ab
omnibus considerari; nullam esse artem, nullam scientiam, nullam
facultatem, aut animi, aut corporis, in qua qui mediocria fuerint
consecuti, quàmuis à summis longè absint, non videantur laudan-
di; Iuriconsultus, & actor causarum, quàmuis scientia ille Treba-
tio, aut Cassellio par non sit; Hic quàmuis multo inferior sit Cicero-
ne, Messala, & reliquis, qui primas eloquentiæ partes obtinent; lau-
dandus tamen, & aliquo in numero reponendus; idem de cæteris
dicendum. Poëtica facultas sola est inter omnes; quæ mediocrita-
tem non recipit; Excellere poëtam oportet, & summa quæque obti-
nere, si probari vult; alioqui nullius fuerit precii; quamuis medio-
cra, & proxima summis sit consecutus. Neque verò hoc ipsum,
quod à me dicitur, ratione caret maximè probabili, quæ huiusmo-
di est; Poëma ea in primis de causa ab initio fuit inuentum, vt ani-
mos oblectaret; hoc ipsum si non assequitur, vix eo nomine appel-
landum est; Quantum enim à summo recedit, tanto etiam propius
ad infima accedit; suamque omnem venustatem amittit: Non erit
difficile intelligere, quale hoc sit, si idem consideremus in concen-
tu, & harmonia; in vnguëntis, & melle; nam cum ab conuiuia nobi-
lissimorum virorum adhiberi consueuerit, aut vocum, aut sonorum
concentus aliquis, qui accumbentes oblectet; si ab aliqua parte, di-
scors symphonia illa fuerit; iam non modo oblectat, sed ne sympho-
nia quidem est, aut appellari debet. Vnguënta si beneuolentia sint,
mirificè reficiunt homines; quod si corrupta ab aliqua parte fuerint;
nihil ipsis foetidius excogitari potest; Quid de melle dicam? cuius
dulcedine palata hominum deliniuntur; sed si amaror aliquis, vel exi-
guus in eo fuerit inspersus; aut minus dulce sit, quàm natura mellis
patiat, vix amplius melle dici potest; Ex his, & aliis satis puto intel-
ligi, quid in poëmate requiratur; vt scilicet ab omni parte venu-
stum, & decens, doctum, & graue, elegans, & suaue appareat. in
eoque omnia summa sint; nihil mediocre, aut tenue; Cum igitur res
ita sese habeat; vel hoc vno tam multi inepti homines, & indocti ab-
sterreri deberent à versibus scribendis, & poëmate aliquo, præser-
tim grandi, pangendo. Videmus eos; qui equitatione, natatione,
iaculatione exercitati non sunt, in Campum Martium non prodire, vt
cum

cum peritioribus certent; iidem illi, qui pilæ indocti sunt & trochi; dis-
 seum uē non didicerint in altum prolicere; prorsus ab hoc genere absti-
 nere; ne spectatōribus risum moueant; Nullus est tamen quāmlibet in-
 doctus, & parū exercitatus in scribendo, qui non audeat versus effin-
 gere, & poētæ nomen profiteri. At fortasse hoc sibi licere putant, quod
 summo loco nati sunt, & opibus abundant; insigni præterea sunt probi-
 tate præditi; ab omni vitiorum genere remoti. Sed quid hoc ad rem?
 si nobiles, si opulenti, si probi, laudandi quidem, & amandi, plurimūque
 faciendi, sed non propterea poētæ salutandi; nam in scribendo poemate
 ingenio opus est, & singulari mentis acumine; opes verò & nobilitas nul-
 lum ad hanc rem afferunt adiumentum; Illud etiam, in quo multum no-
 stræ ætatis homines reprehendendi, cauendum, ne quidpiam temere in
 vulgus edatur; sed potius domi, intus in scrinio, nouem etiam, si opus sit,
 annos descripta in membranis poemata seruentur; subindeque in mā-
 nus resūmantur; semper enim aliquid fuerit immutandum, aut delenda-
 dum, quod fieri non posset, si edita prius fuissent, & in hominū ma-
 nus peruenissent. Præterea quāmuīs in se ipso agnoscat aliquis tantum
 inesse ingenii, ac iudicii, ut per se satis sua scripta iudicare, & corrigere
 possit; Adhibebit tamen, si poterit, docti alterius viri iudiciū; sic enim
 fiet, ut omnia multo facilius perspiciantur, & elimatiores sint; Neque
 verò admirabitur aliquis; si tanto studio & labore poëtice egerē dixi-
 mus; est enim præclara quædam, & ampla facultas, qua nescio, an vlla
 maior, laudabiliorue sit, quæ hominibus quāmplurima attulit commod-
 da; Primum quidem poëtice sua vi hominēs ē syluis euocatōs pellexit
 ad ciuilem viuendi rationem; vnde locus fabulæ datus, ut dicatur Or-
 phæus doctissimus vates tygres, leones, omnēq. ferarum genus suo con-
 centu delinuisse, & Amphion sono lyre ipsa saxa mouisse, quæ in vhum
 per se congesta, muro Thebanam ciuitatem cinxerunt; planè enim esse
 rati hominēs; & qui nullis moribus exculsi sunt, & artibus; feris; & la-
 pidibus, aut siquid etiam durius his est, similes dici possunt. Cum non-
 dum iurisprudentia in lucem venisset, etiam hanc vtilitatem mortalibus
 attulit poëtice, nam quicquid postea à iurisconsultis sapientissime cau-
 tum fuit, id multò antè cauerant poëtæ, qui, quomodo publica à priua-
 tis essent secernenda, docebant, & sacra vetabant profanis commisceri;
 concubitus quoque vagos, & apertos hominibus, ob turpitudinem in-
 terdixerunt; Connubiorum fœdera, certasque leges excogitarunt, qua
 ratione nouæ vrbes essent edificandæ, & coloniae deducendæ præmon-
 strarunt; Ipsi quoque leges ligneis tabulis incisas publicè populo legen-
 das proposuerunt; ex quibus omnibus rebus, quis non intelligit, quan-
 ta sit poëtice facultatis dignitas, & amplitudo. Sed et alia ex hac pro-
 ueniunt commoda; nam ad fortitudinem multum confert Homerus
 suis versibus, dum prælia fortissimorum virorum describit, & alios
 audaces in periculis subeundis, alios imbelles, & timidos describit;

legentes multum incitat ad fortitudinem, & alacritatem; à timiditate vero deterret; post Homerum extitit Tyrtæus poëta, qui ubique ad arma, bellicamque laudem homines hortatur; vt ex pauculis his ipsius versibus potest cognosci.

Ἀλλ' ἡ βασιλῆος γὰρ ἀνικητὸν γένος ἐστὶ
 ὁ ἀρσέν' οὐ πῶ ζεύς αὐχένα λοβὸν ἔχει
 μὴδ' ἀνδρῶν πληθὺν διαμαίνεται, μὴδ' φοβέσθαι
 ἱβὺς δ' εἰς προμάχους ἀσπίδ' ἀνὴρ ἔχειται
 ἔχθραν μὲν ψυχὴν θιμῆνος, θανάτου δὲ μελάναις
 κήρας αὐτ' αἰσιν κελαιοί φιλᾷς
 ἴσται γὰρ ὅς τις ἀρεῶς πολλὰ δακρύου ἐργ' ἀρίθμητα
 εὖ δ' ὀργῇ ἐλάττω ἀργαλέου πολλέ μιν.
 καὶ μεταφρονέοντων, ἀνακούττων τὴ γένεσθαι
 ὧ νεῶς ἀμφοτέρων δ' εἰς κόρον ἠγάσασατε.

Quid verò? Nonne oracula, & sortes versibus describi consueverant, vt & hac in re poëta præclaram suam operam pōnerent; Non minor ea est poëtarum laus, quod ipsi primū recte viuendi rationem hominibus proposuerunt, & nullum hominum genus fuit; quod facilius regum, principūque in amicitiam se insinualet; Possent quidem innumerabiles proferri poëtae, qui principibus charissimi fuerunt; sed breuitatis causa prætermittō; Atque vt omnibus in rebus vim suam præ se ferret poetice; Relaxandis quoque animis hominum operam suam præstitit; nam seu reges, seu priuati maximis aliquando periculis, & laboribus defatigati fuerint, non aliunde animos commodius, aut honestius recreare possunt; quā audiendis poëtarum carminibus, quæ præsertim ad lyrām concinuntur; eo enim genere; nihil suauius; nihil dulcius; vt ne quis fortasse putet, lyricam poësin esse negligendam. Cum verò tanta, ac tam ampla sit poëticae facultatis dignitas, ac vis; quæ fuerunt multi; natura ne magis, an arte constaret; Ego, vt tantam diem breuiter diiudicem; ita sentiendum esse existimo, neque artem sine ingenio; neque ingenium sine arte multum posse; Alterum enim alterius adiumento eget, neque si fuerint disiuncta; magnam habent vim; sed præterquā quod natura sibi subsidium artis postulat; multa quoque opus est exercitatione; Cursores, qui agiles corpore, & celeres pedibus esse student, abstinēt à computationibus & ingurgitationibus meri; omnem lasciuiani; voluptatemque corporis vitant; multa perferunt; multum, diūque sudant; multum algeūt ab ipsa pueritia, antequā habili sint ad currendum corpore. Tibicines quoque, qui in Pythicis sacris, vbi certamina sunt in Apollinis honorem, antequā summam consequantur laudem, victoresque existant; multum prius se in eo genere exercent; magistrorūque; à quibus artem canendi tibiis discunt, præceptiones diligenter seruant; & illorum minas, ac ferulas exhorrescunt; nostrates autem homines, sine vlla exercitatione, ad studio poëticae artis, temerè aggrediuntur ad scribēda

poëmata; satisque magnam laudem se assequutos putant, si multa scripserint, & versuum numero ceteros præcurrerint; quasi ignavos eos credant, ac desides, qui pauca scribunt; Instar igitur eorum, qui in stadio currunt, alios prævertere conantur; ne extremo loco consistere videantur; Adde quòd malunt turpiter profiteri id, quod nunquam didicerunt, quàm aperte fateri, & ingenue, se id ignorare; Videmus quoque, non sine risu; si quis diues, qui multo abundet pecore, & auro, latòsque habeat fundos, versus scribit, conuocare illum vndique suos assentatores, quibus, erogata etiam mercede, suos recitat versus, accurrunt verò illi ad lucrum stipendiarii auditores sibi propositum ab opulento poëta, non secus, ac plebecula solet ad præconem; qui merces sub hasta vendit, licitandi gratia; Sed non video, quàm hoc rectè fiat; tamen si neque miror; difficile est enim opulento viro, ac beato veros amicos ab adulatoribus dignoscere; cum præsertim multos habeat obæratos homines, & clientes multis de causis, ac summo eius aliquo beneficio obstrictos, qui omnibus illius dictis, ac factis applaudunt; Quare monuerim eum, qui aliis suum poëma diiudicandum committere voluerit, ut eos in numerum censorum non admittat, quos sibi viderit suo aliquo munere sibi esse deuinctos, solet enim hoc hominum genus statim exclamare. RECTE. PVLCHRE. BENE. Nec satis habent voces has cum acclamatione proferre; sed inter loquendum etiam expallescunt; ac præ nimia lætitia lachrymam effundunt, subsultant, gesticulantur; terram pede contundunt; Nec pluribus modis præficæ mulieres, quæ in funeribus clarorum virorum mercede conductæ lugent, ac plorant, conantur dolorem exprimere, atque imitari verum, quàm si lætitiâ animi nimiam præ se ferre; dum amici recitantur poëmata; sed qui sapit, huiusmodi vitabit homines; & vel ex his ipsis signis paulatim discet, verum laudatorem ab adulatore, & derisore interno-scere. Dicuntur reges in conuiuiis sæpe ingenia hominum vino explorare; antequàm eos in suam recipiant amicitiam; Non minore studio, & diligentia conabitur is, qui versus facit, censorésque suo adhibet poëmati, fallaces ac fraudulentos homines dignoscere, qui nihil vnquam ex animo loquuntur; sed (ut Varro ait) vulpinantur, ut alios decipiant. Quintilius vir doctissimus, & optimus longè secus faciebat; Nam si poëta aliquis suos ipsi recitasset versus; perhumaniter dicere solebat. corrige quæso, & hoc, & illud, quòd si negaret poëta se posse verbum immutare, numerorum lege astrictum, frustra que se sæpe id efficere conatum; statim vir præstantissimus magna vtens animi simplicitate illum monebat, ut integros deleteret versus, & alios ipsorum loco, qui magis essent tornati, ac expoliti, reponeret. Quòd si adhuc pugnax in sua fuisset sententia, maluissetque errata sua defendere, quàm corrigere, tacitus hominem dimittebat, ne vno quidem amplius prolato verbo; quid enim opus est inanem suscipere laborem corrigendi eos, qui sibi plus nimio

placent; sed nimirum suæ temeritatis pœnas demum dant; nam in maximas incurrunt reprehensiones, & pœssim ab omnibus ridentur; ita fit, ut sua poëmata nemo præter ipsos aut probet, aut legat. Vir igitur bonus, & prudens in corrigendo poëmate simillimus Quintilio erit, sublatæque omni adulatione reprehendet versus, qui fuerint nullo artificio efficti; dictiones nimis asperas, & obsoletas diligenter adnotabit; inornata, & inculta verba tollet; superflua quæ fuerint, & nimis luxuriantia rescabit; obscura, & parùm lucida illustrare conabitur; ambigua, quæ nescias vtro sensu sint accipienda transuerso signabit calamo. Demùm in singulis adnotandis ad eò erit diligens, ut olim ferunt Aristarchum fuisse, qui miro quodam acumine castigabat veterum scripta; optimèq. subodorabatur, siquid alienum, aut furtiuum clàm irrepsisset inter Homericos versus. In primis vero, nihil dicit; ager ue in gratiam amici, nam si censorem cæcutientem in iudicando amicitia reddiderit, magnum inde consequetur incommodum. Fiet utique poëta ille postea in scribendo negligens paulatimq. ita peruerse scribere assuescet, ut postea nullis amicorū precibus, nulla hortatione, aut admonitione retrahi possit ad rectam scribendi rationem; Satius est igitur ab initio sedulitate sua in corrigendo, amicum, qui charus fuerit, offendere, quàm dissimulatione aliqua negligentem reddere; ut postea ab omnibus rideatur; solent enim homines, ex ea re usq. adeo inflari, & insolescere, ut morbus veluti quidam planè exitialis eos occupet, aut insania furor ue aliquis: Sicuti igitur scabie laborantes, aut morbo regio, aut phanatico furore vexatos, nullus est, qui propter morbi contagionem, & periculum impendens non effugiat, cum interim à pueris pœssim exagitentur; Ita malo poëta, qui iam vesania creditur aliqua, aut alio quouis animi morbo impelli ad versus faciendos; nullus est, qui faueat; sed quid faueat, dixi? Nullus, qui non euitet, qui non exagitet, qui non oderit; planè enim dignissimus est, qui à nemine subleuetur, non secus ac auceps aliquis, qui dum nimis intentus est in spectandis auibus, quæ per aërem transuolant, in foueam incautus, quæ ante pedes erat, delabatur; & quamuis illac prætereuntium opem imploret, adduci tamen homines non possunt, ut credant illum satis sana esse mente, qui in foueam deciderit, & hiatus ad eò apertum; Ambigunt enim homines, an se eò volens propter insaniam deiecerit; sicuti de Empedocle poëta, & philosopho scriptum legimus; Cum enim à mortalibus Deus existimari vellet, quasi è terra in cælum subuolasset, et nullo in loco ipsius corpus amplius viseretur; sicuti Deorum solet, qui immortales sunt; neq. in terris sepulcra habent; in quibus humi putrescant; in ardentis Aetnæ vastas cratêras, vnde ignis erumpebat magna vi, se spontè coniecit. Liceat igitur, liceat poëtis perire, si voluerint, nam qui inuitum seruat, planè idem facit, ac si perimeret; Quòd si semel seruatus fuerit; nullam tamen seruatori suo gratiam habuerit; rursusque conabitur ultro mortem operere; Non minore laborant insania; neque minus exitiali interitu se ipsos

ipsos perimunt poëtae, qui neglectis amicorum admonitionibus, versus
 scribunt; dignitatique suae, & famae pessimè consulunt. Sed quid facias?
 A studio scribendorum versuum deduci nulla potest vi; furere tantum
 illum cernere est hoc insaniae genere, quasi in cineres paternos imminxe-
 rit, aut aram incesto aliquo scelere polluerit, aut nefarium aliquod scelus
 patrarit, propter quod a Diis furore fuerit incitatus; Tantus vero furor
 est horum poëtarum, ut quaecunque per urbem incédant, dum suorum
 versuum recitatione homines inuitos detinent; & sermè enecant, ab o-
 mnibus fugiantur, ne, velint, nolint, emori cogantur audientes longas
 illas versuum recitationes; iniicit enim metum iis, qui semel experti sunt
 periculum, & fugere cogit; non secus ac leo aliquis, vel vrsus, insigni
 ferocitate, cum effractis cauea, qua inclusus erat clathris, per urbem
 discursat. Quod si hominem aliquem poëtae inuenerint, aut in-
 uirum detinuerint, occupatum tenent suis insulsis narrationi-
 bus illepidorum versuum, miserèque discruciant, neque
 ante dimittunt, quàm illius aures exhauserint;
 ipsique met recitando defatigati fuerint,
 instar planè irudinis, quae cum siti-
 bunda sanguinis, cuti semel
 inhaerit, eam non
 prius dimit-
 tit, quàm san-
 guine fuerit expleta.

Francisci Robortellii Vtinenfis

EXPLICATIO EORVM OMNIVM, QVAE AD SATYRAM PERTINENT.

V N C dicamus de fine, origine, materia, vtilitate
satyræ. & inscriptione, quam secutus videtur Hora-
tius. Ac primum de fine. Nam eo perspecto origo
qualis fuerit, & quando, facile cognoscemus. Eum
habet finem satyra sibi propositum; quem tota pœ-
sis, & reliquæ omnes ipsius partes, cum & ipsa, pars
sit. Is est, imitari, neque tamen quiduis, sed actiones
tantum humanas. In actionibus autem humanis quoniam alia commise-
rabilia. Alia horribilia. Alia ridicula sunt, & subturpicula; necesse est di-
uerfarum rerum esse imitationem. Sed de his dicemus postea, cum de
materia loquemur. Imitatio tribus modis fit *ὑπομῆδος, λόγος, ἀετιμολογία*, aut tribus
simul iunctis, aut singulis, & binis separatim. Hæc verò omnia quomodo
fiant, satis patet; nam declarauit copiose Aristoteles in libro Poët. Atque
ad Poëticen adedò imitatio pertinet, vt ipsius forma verè dici debeat; Qua
sublata, ne ipsa quidem poëtice dici potest. Nam eorum poëmata, qui nō
imitantur, non poëmata, non imitationes, sed narrationes potius quædam
sunt. Metrum enim non est, quòd quisquàm putet tantam in hac facultate
vim habere, vt poëtam ab historico distinguat, nam præterquàm quòd
& oratores, & historici suas quasdam habent mensuras, quibus orationē
dimetiuntur. Liuii quoq. & Salustii. Herodoti, & Thucydidis historia
carmine potest complecti; & tamen erit nihilominus historia. Id autem,
quo maxime, & verè inter se differunt poësis, & historia, Si quis quærat fa-
cile dixerim. Historia res exponit, vt gestæ fuerunt. Poësis verò vt geri
poruisse videntur. Quàmuis & historico licet hoc aliquando efficere; nō
tamen in rebus gestis æquè, ac in dictis. Nam res gestæ immutari non de-
bent, alioqui vera nō esset narratio. Sed dicta ab historico quàmuis longè
diuerso modo effingi, ac narrari possunt. quod in concionibus fecit Thu-
cydides apud Græcos, & alii omnes apud Latinos; vt Liuius & reliqui.
Vnde non immerito ob hanc causam Cicero lib. ii. de Oratore historiam
concludit oratorum artificio. Quoniam vero poësis ita exponit res, vt
geri poruisse videntur. Considerat magis vniuersale. vt quid cuique con-
ueniat facere, ac dicere. Vnde existit illud *τὸ πᾶσι* in quo omnia orna-
menta sunt poëtarū. Historia autem particulare sectatur semper. vt quid
gesserit Alcibiades, Themistocles. Camillus, Fabius. Ex his verò omni-
bus iam satis patet, finem poëtices facultatis esse imitari actiones huma-
nas. Satyra quoque cum particula sit poëtices, & ipsum hunc habuisse fi-
nem olim propositum, quod paulò post apertius demonstrabimus. Si
imita

imitatur satyra, sicuti patet, imitatur & ipsa actiones humanas : Atque ex
 iis non omnes, sed aliquas tantum de quibus postea dicemus, cum de ma-
 teria eius in qua versatur, loquamur, Sed & diuerso modo imitatur, ac
 ceteræ imitatrices poësis, quod vt facilius intelligatur. Sciendum est (si-
 cuti testatur Athenæus lib. xiiii. vbi de veterum saltationibus loquitur)
 ποίσις aut esse σκιηδών. aut λυρική. Lyricen, quæ harmoniam, & rhyth-
 mum habebat, non autem sermonem.

Ea tres continet species $\left\{ \begin{array}{l} \piυρρική \\ γυμνοπαδική \\ υπορχηματική. \end{array} \right.$

Pyrrhica saltatio fuit ad sonum facta, magna cum corporis mobilitate,
 ab armatis aliquando hominibus ostentata, atque ideo bellica : in ea se
 plurimum exercebant Cretenſes, vt testatur etiam Strabo. à Curetibus
 primum inuenta, Qui cum armorum magno sonitu eam saltarant, ne va-
 gientis Iouis vocem exaudiret vorax pater Saturnus. Sicuti explicat Cal-
 limachus in suis hymnis. Vnde & iidem Corybantes dicti. $\piυρρική$
 à pueris nudis fiebat; multa cum venustate, & corporis decore mo-
 tu, ac planè graui. $υπορχηματική$ saltatio erat valde $παρρηϊώδης$, & ridicula,
 Atque hæc de lyrice & eius partibus : Scenica verò, quæ, & harmo-
 niam, & rhythmum & sermonem habebat, & in scena agebatur; vnde etiā
 nomen accepit. Eius tres species sunt $τραγική, κομική, σατυρική$. $τραγική$ cor-
 responderet gymnopadica; nam cum luctuosas res imiretur, & magnas;
 Habet etiam ipsa $πρόβατον, καί σμυρνόν$. Comica correspondet $υπορχηματική$.
 Nam & ipsa scatet iocis, ac illusionibus. Satyrica correspondet Pyrrhi-
 chæ, nam vtræque fiebat magna cum mobilitate. Satyricam verò hanc
 recitationem, & saltationem crediderim ego omnium earum, quas expo-
 sui, antiquissimam esse, ac prius inuentam. Id ipsum vero testatur Aristot-
 eles in lib. Poëtices, cum ait : Fabulas paulatim ad iustam magnitudi-
 nem prouectas ab exiguis; & ideo exclusas, fuisse satyras quòd breuem
 quandam contineret imitationem, & actionem. Vnde non satis probo id,
 quòd asserit in suis Successiuis lectionibus Franciscus Floridus meus. Ait
 enim à comœdia fluxisse satyræ. Cum à satyra paulatim sit deuentum
 ad comœdiam; sicuti patet ex eo Aristotelis loco. Breuia quædam fuisse
 poemata satyras, & interponi consueuisse in trágœdiis demonstrat Hora-
 tius quoq. in Poëtice. Accedit huc quòd satis constat poëticam primum
 exerceri solitam (vt idem affirmat) ex temporariis metris, & numeris;
 atque vt quisque diuersas res imitari cœpit; ita in multas partes distribu-
 tam fuisse poëticen : Sed cõnuitii primum fieri imitatio cœpit, quemad-
 modum & hymnis laudum. Nam $εμνογραφία$ omnium antiquissimam esse
 credi potest. De laudibus ea agebat Deorum; sed $υμνογραφία$ vix quic-
 quam in se imitationis habebat, præter eam, quæ dichyrambice contine-
 batur, metrum tantum. Vnde Homeri hymni. Orphei, Callimachi, & re-
 liquorum. Horatii aliquot apud Nos, & Catulli. Poëta enim hymnos

conferibebant, qui inter sacrificandum concinerentur, à choris puorum, & puellarum. Sicuti testatur Horatius in Epist. lib. ii. cum ait.

- „ Disceret vnde preces, vatem nì musa dedisset,
 „ Poscit opem chorus, & præsentia numina sentit,
 „ Cœlestes implorat aquas, docta prece blandus,
 „ Avertit morbos, metuenda pericula pellit,
 „ Impetrat & pacem, & locupletem frugibus annum.

Excepta igitur hymnographia, conuitiolum poëma primum omnium prodiit. Atq. cum multa conuitiolorum poematum species sint, omnium antiquissima est satyrica. Testatur hoc Aristoteles in lib. Poëtices, cum ait, Senarium ex octonario sibi fecisse fabulas metrum; nam hoc utebatur prius, cum Satyrica magis, & saltatoria esset poësis. Conuitia primum iambis agitare coëptum. Vnde *ἰαμβίζων* maledicere est apud Græcos, & conuitiari. Maledicendi vero hanc consuetudinem, ac licentiam antiquissimam fuisse inter rusticos asserit Horatius quoque in Epist. cum ait,

- „ Agricola præsci, fortes, paruoque beati
 „ Condita post frumenta levantes tempore festo
 „ Corpus & ipsum animum spe finis dura ferentem.
 „ Fescenina per hunc inuenta licentia morem
 „ Versibus alternis opprobria rustica fudit.

Atque hæc sanè origo tuit conuitioli poematis. Rustica ac villica. post res, ut venustius ageretur, ac maiore cum risu; atque imitatione, Introductæ sunt satyrorum personæ. Causam verò huius existimari hanc fuisse Sætyros, Faunos, Silenos, Priapos. Scimus ab antiquitate existimatos mediam quandam naturam habere inter deos, & homines. Vnde testatur Nicéphorus in Porphyrium, à Platonicis in definitione hominis additum disciplinæ capax. Quod hominum videtur esse proprium in primis, & separat eorum naturam à natura Satyrorum, Faunorum, & huiusmodi deorum. Hæc ita existimarunt Platonicis. Horum deorum forma syluestris erat, æt planè ridicula; vnde scimus custodem hortorum Priapum tam magnam segetem veteribus poëtis Latinis dedisse iocorum, qui Priapeio continentur carmine. Sic enim est prorsus existimandum, ut Romæ his temporibus videmus ad Marforii statuam multa affigi à multis obscenæ, ac maledica carmina; ita in hortis Meccenatis olim factum à poëtis diuersis. Est apud Athenæum illud ita prolatum, *πολλοὶ ἀνέχων στυγνὰ ἔν ἐν σάτυροις*. Item apud Xenoph. in Conuiuio *νῆ δὲ ἐπὶ τῶν στυγνῶν τῶν ἐν σατυρικῶς ἀόχως ἀνέχων*. Hunc locum in Adagijs suis aduertit Erasmus, sed nō videtur intellexisse. Sic enim vertit, Si omnium Silenorum qui inter Satyros sunt, turpissimus fuero; Nam *οἱ σατυρικῶς* cum dixit Xenophon, intellexit ætus satyricos, debebat igitur sic verti. Si omnium Silenorum, qui in ætus satyricos à poëtis introduci solent, fuero turpissimus. Nam Satyri, & Sileni diuersarum sunt inter se formarum. Dii; & omnes sub diuersis personis in satyricam scenā prodibant saltaturi, sicut postea demonstrabimus

mus, cum de personis satyricis ex Polluce loquemur. Sed redeo ad rem. Sileni deformes erant, Dii agrestes ac petulci. Idem legimus de Faunis. Horatius. Fauni nympharum fugientum amator. Satyri quoque Capripedes Dii syluestres, ac lasciuī. Vnde apud Theocritum ille Satyriscus vocatur, quasi petulcus, ac lasciuus. Quasitum inter doctos de Satyris, an essent in rerum natura; Lucretius doctissimus poëta lib. v. multis probat rationibus, Centauros, & similes animantium formas fabulosas esse. Quoniam eorum (vt ille ait) discordia membra videmus.

Quæ neque florescunt pariter, nec robora sumunt

Corporibus, neque proficiunt atate senecta

Nec simili venere ardescunt, nec moribus vnīs.

Conueniunt, neque sunt eadem iucunda per artus.

Plinius tamen eos esse affirmat, & videri in Indorum montibus (idest in regione Caradulorum,) animal est perniciosissimum, quadrupes, tum etiam recte currens, humana effigie; & propter velocitatem non nisi agri, ac senio confecti Satyri capiuntur. Parum me moueret Plinius ad hoc credendum. nam dum suum librum ex veterum lectione confecit, non tam sedulus fuit iu rebus diiudicandis, quàm adscribendis, & aggregandis; Sed certius testimonium affert de Satyris Plutarchus in vita L. Syllæ. Ait enim apud Apolloniam olim, dum dormiret, captum Satyrum, & adductum ad L. Syllam. Qui cum conaretur elicere vocem, locutum quidem illum, sed confuse, & cum sonitu hinnientis equi simili, & hirci balantis; ea autem fuisse figura, qua solent effingi à sculptoribus, & pictoribus. Ego sane in antiquis numismatis multos spectauī facie humana, & corpore vsque ad umbilicum, reliqua ex parte equo similes; & caudam equinam habentes, pedes caprinos, caput cornigerum, barbā & eam quidem exiguam; & modice prolixam è media, & inferiore mandibulæ parte pro-pendentem, vultu planè petulco, ac lasciuienti. Huiuscemodi igitur Deorum sub personis, & habitu veteres satyrica agebant poemata cum saltatione, sicuti ego opinor, duplici de causa. primum vt ab agresti cultu talem recitationem ortum habuisse significarent, Deinde, quòd poemata illud mordax lasciuum, ac ridiculum sub lasciuia petulcorum Deorum per-sona optimè, ac maxime conuenienter recitari posse videbant. Nam, vt inquit Athenæus ὅτι σατυρικὰ ἐμφανίζουσι τὸ ἴδιον. L. vero Syllam scimus apud Romanos huiusmodi satyricis iocis delectatum, Nam librum de ea re conscripsit, & domi multos homines aluit περιγλώττας, περισπύμμονας, περιγίμνονας. vel si alio libet quopiam nomine appellare. Appellabatur autem ab antiquis satyrica saltatio σάτυρις, vel à Sicinno inuēctore Barbaro, vel vt alii scripserunt, Cretēnsi. Nam Cretenses saltatione plurimum delectabantur. Alii non à sicinno dictam, sed παρὰ τὸ σάτυρον vel ἀπὸ κινήσεως ἢ τὸ σατυροὶ ἀρχαῖοντα παρὰ τὸ αὐτὸ οὖσαν, οὐ γὰρ ἔχει πάθος ἢ δὲ ἢ ἀρχαῖος, διὸ οὐδὲ ἀναδύει. Constabat autem olim ex choris saltatio, & recitatio satyrica, sicuti & τραγῳδία antiquitus. Hac ex Athenæo. Nunc dicamus de personis satyricis. Iulius

- „ Pollux lib. quarto ait *σατυρικὸς δὲ πρόσωπα σάτυρος· πολλοὶ σάτυρος γυναικῶν· σάτυρος*
 „ *ἀγένεος· σιληνός· παρὰ πρὸ σίληνός id est Satyrus canescens. Satyrus adultus & pu-*
 „ *bescens. Satyrus impubis: Silenus, Papposilenus. τὴν ἰδέαν erat φημι δέστρεος*
 „ *aliis. sic sese habebant satyrica personæ; de hac re, etiam ita meminit*
 „ *Dionysius Halicarnasæus libro vii. histor. Roman. his verbis: οἱ τῶν σατυρικῶν*
 „ *ἐπὶ πόμπῃν χοροὶ τῶν ἑλληνικῶν εἰς ἀποφορῶντες σίληνον: σκευαὶ δὲ αὐτοῖς ἦσαν, τοῖς μὲν εἰς*
 „ *σίληνους εἰς ἀφ᾽ ἑαυτῶν τοὺς χιτῶνες, οὗς ἔνιοι χερσαίους καλοῦσι, καὶ περιβόλαια ἐκ παντὸς*
 „ *αἵματος. ταῖς δὲ εἰς σάτυρους περιβώματα καὶ δοραὶ ἡράων, καὶ ὀρθότριγες ἐπὶ τοῖς κεφαλαῖς*
 „ *φῶκαι.* Comica aliquando personæ iis assimilabantur in antiqua comæ-
 „ *dia, quos carpebāt, & aliquanto etiam γαλοῦπερον. Tanta erat apud veteres*
 „ *maledicendi impunitas. Et quoniam necesse est maledicentiam satyri-*
 „ *cam aliquid habere, in quod suum illud atrum virus effundat; habet &*
 „ *illa materiem sibi subiectam, in qua versatur; Et quoniam sub imitatio-*
 „ *nem omnes cadunt actiones humanæ; sub hanc quoque necesse est ali-*
 „ *quos contineri. Imitatur satyra, at cum ioco & risu. Commiserabilia*
 „ *non excitant risum, sed potius luctum; & miseros non ridemus, sed com-*
 „ *miseramur, non igitur satyræ hæc sunt, at tragædiæ. Itidem horribilia,*
 „ *& quæ huiuscemodi. Nam terrorem incutiunt hæc; non risum mouent;*
 „ *Ridicula igitur ad satyram pertinent, & comædiam, Nam ambæ ridicu-*
 „ *la tractant. at diuerso modo, sicuti patet. Ridemus autem ea, quæ in se*
 „ *turpitudinem habent, & virii speciem, non tamen vno modo turpia sunt*
 „ *accipienda, nam alia risu, alia odio digna sunt. in irrisione contemptus*
 „ *est potius, quàm odium. In odio nulla irrisio, sed reprehensio cum seue-*
 „ *ritate: utraq; tractat Satyricus poeta; nam in peruellendis & reprehen-*
 „ *dendis hominum vitijs versatur. earum autem alia in se turpitudinem ha-*
 „ *bent dignam odio. alia dignam risu. Huiusmodi igitur habet sibi mate-*
 „ *riem subiectam satyra. Ridet enim & peruellit ambiciosos, auaros, in-*
 „ *gratos, prodigos, periuros, rapaces, adulteros, adulatores, loquaces,*
 „ *stolidos, amatores, ineptos, irreligiosos, parricidas, desides, inertes, para-*
 „ *sitos, & qui huiusmodi sunt. Hinc Iuuenalis in satyra prima sic ait.*
 „ *Cur tamen hoc potius libeat decurrere campo,*
 „ *Per quem magnus equos Auruncæ flexit alumnus,*
 „ *Si vacet, & placidi rationem admittitis, edam.*
 „ *Cum tener vxorem ducat spado, Mæuia Thuscum*
 „ *Figat aprum, & nuda teneat venabula mamma.*
 „ *Patritios omnes opibus cum prouocet vnus, & quæ sequuntur.*
 „ *Difficile est satyram non scribere. etiam Persius,*
 „ *Ah Romæ quis non? ah si fas dicere; sed fas.*
 „ *Tunc cum ad caniciem, & nostrum illud viuere triste*
 „ *Apxei, & facimus nucibus quæcunque relictis. Item in aliis locis*
 „ *ut videre est. Horatius quoque multis in locis, sicuti notum est. Homine*
 „ *autem qui in hoc poematis genere versetur, opus est versuto, callido,*
 „ *sagaci, acuto, diserto; Addo etiam bono, & probo; qui cum optimè alio-*
 „ *rum*

rum vitia perspiciat. ipse tamen talem ineat vitæ rationem, quæ à nullo, iurè reprehendi possit. Celeritatem quoque ingenii magnam requirit hoc poematis genus, ac mentis alacritatem. Non enim nisi *ωλογαλάτες* & *ωλοσπέρμους*, homines recte in hoc versantur genere scribendi; qualem narrant veteres Amasin regem fuisse. Et L. Syllam; quales Phæstios narrat Athenæus fuisse, qui vsq. à pueritia sese iocis, ac scommatis effingendis ac proferendis vsque adeò assuefaciebant, vt cum eos aliquando suæ hilaritatis, & naturæ pœnituisset; crederentq. eam veluti pestem ex ira deorum iniectam; ad oraculum Apollinis accederent, sanari cupientes, & redigi ad seueritatem, neque tamen id assequi potuerint, vsque adeò à teneris annis eorum animis huiusmodi natura ingenita vnà cum ætate creuerat. Contingebat autem eos ob talem assuetudinem sæpe *δυναίως* iocari, & *ἀποφθίγγεσθαι*. Neque vero ab oratoribus quoque est aliena ratio hæc omnis & disciplina iocandi, ac reprehendendi. Nam sæpe in iis dicacitates esse oportet ad refellendos aduersarios. id tamen oratores faciunt *παρρηγιον ὁδοῦ*: Poëtæ vero satyrici id tanquàm peculiare habent; & in eo toti sunt. Maledicendi vero hanc licentiam non tantum sibi poëtæ sumpserunt, sed etiam philosophi. neque boni tantum, sed plerunque etiam mali, neque vitia solum peruellendi gratia, & carpendi, sed etiam, quod detestandum est maximè, causâ virtutis delendæ, ac extinguendæ gloriæ optimorum, ac insignium virorum; Id autem non nisi ab exulceratis animis est factum & subdolis. Socratem sanctissimum virum maledictis suis violare mercede conductus non dubitauit Aristophanes. Epicuri laus, qui summum bonum semper in voluptate posuit, quæ ex virtute profiscitur, improbitate nonnullorum, sicuti testatur Laërtius, vsque adeo obscurata fuit, vt omnes eum crediderint de nefanda, et turpi voluptate corporis locutum. Eo vitio etiam non parum laborasse creditur Aeschines Socraticus; Nam & Critobulum Critonis filium, & Telephantem, & Telaugem, & Hipponicum Calliæ filium asperrimis maledictis est insectatus, quin ausus etiam omnes Ionicas fœminas appellare *μαιχράδας*, & *κερδαλέας*. Antisthenes quoque philosophus miserè discipulus Alcibiadem suis conuitiis, neque Alcibiadem tantum, sed alio in libro qui *πολιτικός*; inscribatur omnes Atheniensium, qui vnquàm fuisse sent *ἀνμαζωγούς*. Archelaus. Gorgiam Rhetorem. quin & Platonem nonnulli ausi sunt *ζάθωνα* vocare. Non defuerunt alii, qui diuersam ab his ineuntes rationem, non obtrectandi studio, sed potius corrigendi corruptos mores maledicentia utebantur probitatis, ac sanctitatis plenissima. Qualis Socrates, qui improbos ea de causa in se irritauit. Quales Menippus, & Diogenes Cynici. Nam hic ideo se Canem appellari dicebat, quòd hominum vitia morderet ac peruelleret. Qualis Democritus. qui ineptias; stultitiam, miseriamque hominum semper ridere solitus erat. Qualis alter Heracletus ab eo longè dissimilis, qui

cum videret homines à virtute transfuersos agi, & alia omnia sectari; eorum deslebat calamitatem. Poëta quoque tum comici, tum satyrici, alii quidem, vt opinor, quod eo vitio maledicendi laborarent. Alii, vt vilitati hominum confulerent, & vitia corrigerent id genus studiorum secuti sunt. Magna certe comicorum pars, qui antiquam tractarunt comœdiam; in bonos & sanctos viros maledicta vibrarunt. Vnde non immerito Plato eos de sua rep. vult eiici tanquàm perniciosissimos homines, qui vt ait Cic. virtutis neruos omnes eliderent. Plutarchus vir prudentissimus in eo libello, in quo confert Menandrum cum Aristophane, quàm meritò, Dii boni, ob hoc ipsum illum huic præferendum putat. Quod si quis causam exquirat, cur poëta hoc potissimum studii genus quod est in maledicendo positum, secuti fuerint; probabilem ego mihi videor eius rei posse rationem asserere. Poëta nullus est, vt præclare ait Cic. qui, quàm se quenquàm meliorem arbitretur. Neq. vllum est hominum genus, quod sibi magis placeat. Atque hæc, sicuti puto, maxima ex parte causa est ipsorum maledicentiæ, & obrectationis, qui enim se bonum censet, alios deteriores, maledicat aliis necesse est, & suum cum prober studium, aliorum viuendi rationem improbet. Adde quòd qui dicendo & agendo multum se consequi posse vident, iniuriam perferre diutius, (vt sapienter est ab Arist. in Rhet. dictum) non possunt, sed quàm primum vlscisci cupiunt. Nam si inopes essent in dicendo, reconciliationem potius expeterent, quàm vltionem. Vnde eos in primis homines videmus esse iniuriis, & contumeliis expositos; qui neque opibus neq. eloquentia neq. vlla alia re muniri satis sese tueri possunt. hinc minaces videas esse poëtas. Catullus.

„ At non effugies meos iambos. Horatius libro Serm. secundo, Satyrà prima.

„ Sed hic stylus haud petet vltro

„ Quanquàm animantem, & me veluti custodiet ensis

„ Vagina testus, quem cur distringere coner

„ Tutus ab infestis latronibus o pater, & rex

„ Iuppiter, vt pereat positum rubigine telum.

„ Nec quisquam noceat cupido mihi pacis, at ille

„ Qui me commoritur (melius non tangere clamo)

„ Flebit, & insignis tota cantabitur vrbe.

„ Hinc præclare est à Platone dictum. Poëtam ne tibi reddas infestum. nihil enim aliud est, quàm cicadam ala tenere: cogi ad silentium nunquàm possunt, & ideo procliuiiores ad maledicendum sunt, quod æternitatem sui nominis habent animo comprehensam; sperantq. sua scripta ab omnibus lectum ac probatum iri, Vnde Horatius.

„ Exegi monumentum ære perennius.

„ Quod non imber edax; non aquilo impotens.

Quod si quis opportunè satyrica hac vtatur maledicentiæ; neq. quempiã

per iniuriam laceſſat; magnam neceſſe eſt ex ea re vtilitatem capi, nam mores deprauati, & inueterati, qui facile, vt ait Cicero, exui non poſſunt, ſæpe ob aliorum obtreſtationis metum immutantur in melius. at tentiusq. pro ſe quiſq. vitat ea, quæ ab aliis reprehendi in aliquo videt, atq. ſtudet ſeſe ad virtutem conformare, paulatimque effingere. Ea ratio impulit Plutarchum vt diceret, maximam ſæpe ab inimicis vtilitatem capi, ac fortasſe aliquando maiorem quàm ab amicis, qui ſæpe ad noſtra conniuent vitia; ſicque ea fouent, quaſi virtutes eſſent. Adde quòd opportuna maledicentia non patitur, vt ſeſe hominum animus vltra mortalitatem efferat, ſibiq. plus iuſto placeat, quaſi ab omni parte integer, ac bene cultus. Argumento nobis eſſe huius rei poteſt quòd veteres ne deos quidem ſuo Momo carere voluerunt. Erat enim Momus: vt teſtatur Heſiodus in Theogon. Deus Noctæ matre, & Somno patre procreatus. huius Dei mos erat nihil agere, ſed aliorum facta reprehendere, & oblimis oculis intueri, ac ſumma cum audacia carpere: *μῦθος* Græcè vituperatio dicitur. de eo meminit Ariſtoteles in libro iii. de partibus Animal. ait enim illum naturam accuſaſſe, quòd bobus cornua in capite, non in pectore collocaſſet. Momus cum iudex fuiſſet electus: vt teſtatur Lucianus in Dialogo *πρὸς τὸν αἰγίριον*, inter opera à Minerua, Neptuno, & Vulcano fabrefacta. Nam illa domum, ille taurum, hic hominem compoſuerat: in Vulcani opere, ideſt homine reprehendit, quòd non fenestratum effeciſſet pectus, innuens hominis fraudes multas eſſe; ac difficiles perſpectu. In Venere reprehendit Momus nihil præter Sandaliũ nimium ſtrepens. Ad hunc alloſit Cicero ad Atticum libro quinto, vt etiam Ligurino Momo ſatisfaciam. Hic erat ille Deus Momus; qui inter deos verſari dictus eſt olim ab antiquis volentibus oſtendere Adulatione nihil eſſe pernicioſius, Reprehenſione opportuna nihil vtilius. Reliquum eſt vt agamus de inſcriptione, quam ſecurius eſt Horatius. nam non ſatyraſ, ſed ſermones inſcripſit. Acron Horatii non contemnendus interpres ideo ſatyraſ ab Horatio, ſermonum nomine appellatas, ait, quòd humili vſus ſit in illis, ac remiſſo dicendi genere. Io. Britannicus ſermones ideo appellatos, & Epistoſas ab Horatio, quòd hæc ad abſentes, illi ad præſentes. Meræ nugæ. Franciſcus Floridus meus in libro ſuarum lectionum-fucciſuarum tertio ſatis Britannicum illuſit. Idem quoque Acronis ſententiã confirmare conatus eſt, eam ſequatur qui volet, nam ſatis eſt proba. Ego tamen primum addubito an genuina ſit hæc ab Horatio appoſita inſcriptio, ſuſpicorque ab aliquo fictam vel ex eo quòd Horatius alibi ait;

Nec ſermones ego mallem.

Repentes per humum quam res componere geſtas, cum alibi
ipſe Horatius vocet ſatyraſ;

Sunt quibus in Satyra videar nimis acer, & vltra.

Vt cunque tamen sit, in hoc enim magnopere non pugno. Esto, quoddam sermones fuerint ab Horatio appellati; exquiramus igitur aliam etiam, si possumus, probabilem causam huius inscriptionis. Sic autem opinor, imò planè affirmit. Verus fuit mos satyras in scenam producere eo, quo superius expositum est, modo, ut à choris, & personis satyrorum recitarentur. Eum morem sublatum de medio crediderim post inuentam comœdiam; cum tamen adhuc poëta maledicentiam exercerent suam; Eiusmodi mordax poëma satyrarum nomine appellarent; quod persimile foret satyris antiquis: Horatio nomen id non placuit satis, quoddam videret iam non eo modo scribi à poëtis, aut recitari satyras. Sed tantum mordacitatem in eo relictam poëmate. Formam vero recitandi ac saltandi sublatam, idem affirmarim sermones non satyras appellasse; quoddam ita reprehendat, & peruellat corruptos hominum mores; quasi secum loquens, & enarrans aliorum peccata. Hoc ego ita existimo sese habere. Alii hoc viderint diligentius. Scriptores satyrarum apud Latinos connumerantur hi. Lucilius. Varro. Horatius, Iuuenalis. Persius. De aliis nunc silebo. De Varrone tantum illud dicam, Politissimè, suspicari nos posse, eum tale poëma conscripsisse, tum ex multiplici eius eruditione, tum ex nonnullis, quæ sparsim citantur, à Non. Marcello, ubi & inscriptiones, quales fuerint satyrarum, tum Græcas tum Latinas facile perspicias. dicta illa ex satyris

„ Varronis bella sunt, ac lepida: Habet quiddam *ἐὺρωστὸν* provincialis
 „ formosula vxor, & illud. „ Cum hic Rapo umbram quoque spei deuorasset, & illud. „ Vulpinare modo, & concursa qualibet: illud quoque. „ Propter phagones, sicedulam pinguem aut
 „ turdum nisi volantem non video. Itidem & hoc inter
 „ est inter Epicurum, & ganeones nostros, qui
 „ bus modulus est vitæ culina. Itidem
 „ nunc emunt Trossuli nardo
 „ nidi vulgò, Talento
 „ Attico equum.
 „ Ex qui-
 „ bus
 „ facile perspi-
 „ cias, quàm lepide car-
 „ pserit Varro suæ ætatis homines.

Francisci Robortelli Vtinensis

EORVM OMNIVM, QVAE AD ME-
THODVM ET ARTIFICIVM SCRIBENDI
EPIGRAMMATIS SPECTANT,
EXPLICATIO.

EX ARISTOTELIS LIBRO DE POETICA;

MAGNA EX PARTE DESVMPTA.

INTER tot poematum genera est & illud quod Epigrammata continet; de quorum artificio necesse est, ut pauca dicamus, consideremusque primum ad quam poëseos partem spectent; Deinde exponamus, qualis sit ipsorum materies, quidque in iis scribendis aut sequendum aut fugiendum. Poëmatum genera hæc ferme connumerantur à veteribus. Tragedia. Comœdia. Epopœia. Dichyrambica. Legum poësis. Grandia sunt hæc poemata; sed brevia; Satyra, & quam appellavit Horatius Epistolam; & Staius Sylvam. Horum omnium particulam quandam valde exiguam existimauerim esse Epigramma; nam sicuti Comœdia; aut Tragedia vna particula est Epopœiæ grandioris poematis; ducitur enim ex vno illius Episodio, ut satis patet, & aperte declarat Aristoteles in poëtice: Ita quoque Epigrammata multa ducuntur ex vna particula comœdiæ, aut tragediæ; adeo, ut aliquis iure appellare possit ipsum epigramma particulam vnius alicuius particulæ comœdiæ, tragediæ, & aliorum poematum. An verò contineat imitationem, si quis quærat; respondeo, aliquando quidem in epigrammate imitationem inesse aliquam; aliquando verò non esse; sed simplicem tantum narrationem. Imitatio est in illo Epigrammate Catulli,

Acmen Septimius suos amores

Tenens in gremio. Mea, inquit, Acme.

Nite perditè amo; atque amare porrò

Omnes sum assidue paratùs annos, &c.

In illo nulla est imitatio. Chommoda dicebat.

In illo simplex est imitatio, seu allocutio potius quædam.

Mellitos oculos tuos Iuenci.

Siquis me sinat vsque basiare.

Origo quidem Epigrammatis qualis fuerit, ipsum nomen demonstrat, nam inscriptiones eo fiebant modo, aut in clypeis, aut in nauibus, aut in sepulchris. Quale illud apud Pausaniam.

- „ Τους θυρους ὁ μολισσὸς ἔπεινός ἐδωκεν Ἀθάνα
 „ Πύρρος ἀπὸ θροσίων ἐνέμασεν χαλατῶν
 „ Γαῖτα τὸν Ἀνδρόνου καὶ Δελῶν στρατὸν, οὐ μέγα θαύμα,
 „ Αἰχμηταὶ γὰρ οὐκ ἦν, εἰς πῆδος Ἀλκιδάδα.

Quale illud Catulli

Phafelus ille, quem videtis hospites.

Quale illud Ennii

Aspicite ὁ κτὺς senis Ennii imaginis formam.

Inscriptiones autem hæc fere non excedebant ad summum, quaternos
 versus. Materies verò qualis apta sit ad epigrammata conficienda,
 considerandum; nam sicuti materies comica, quæ ridicula continet, &
 humilia, non est apta ad tragœdiam; neq. tragica ad comœdiam; Ita
 quoq. par est epigrammati suam quandam peculiarem assignare mate-
 riam. Materies epigrammatum multiplex est, nam cum sit particula
 quædam exigua singulorum generum poetices facultatis, nunc huius,
 nunc illius; planè necesse est, ut qualis in singulis generib. fuerit materies,
 talis quòq. sit in epigrammate. Hinc fit, ut tam multa, atq. inter se valde
 diuersa cernantur; epigrammate perbelle tractari; Atq. ut huius sen-
 tentiæ nostræ, quæ multis iure optimo noua videri possit, probabilem
 aliquam rationem asseramus; necesse est, ut singillatim, ac diligenter,
 quoad eius fieri potest; ita tamen ut ne longiores simus; hoc in omni-
 bus, aut aliquibus saltem generibus poematum consideremus. Qua-
 tenus partium tragœdiæ particula est epigramma, primum materie
 conuenit cum tragœdia, ab ea enim desumit, quod est ipsius proprium;
 Tragœdiæ quidem proprium est tractare res seriæ, quæ in se multum
 doloris, & commiserationis habeant, neq. parum admirationis, sicuti
 copiose explicat Arist. in Poët. Dolorem asserunt omnia atrociora; ut
 verbera, vulnera, cædes. Commiserationem asserunt eadem ipsa, si
 viro immerenti accidunt; aut si inter consanguineos, utpote inter ma-
 trem, & filium, vel inter fratres. Admirabilia sunt fortuita, ut Argis sta-
 tua Mityi collapsa cum peremitt, qui Mityum peremerat; Recipiunt
 enim hæc omnia pulcherrimas descriptiones. Multò magis admiran-
 da sunt, quando præter opinionem fuerit aliud ex alio dependens,
 quod cernere est in Oedipodis vita. Hæc omnia aptissima sunt ad epi-
 gramma; Hinc tam multa extant epigrammata apud Græcos in He-
 rôas, Eteoclem, Polynicen, Protefilaum, Hectorem, Achillem, Aia-
 cem, Priamum, & alios eiusmodi. Apud Latinos verò tum antiquos
 tum recentiores, qui elegantissimè in hoc genere versati sunt; in Por-
 tiam Bruti coniugem, in Pompeium, in Cæsarem; in Catonem; Lu-
 cretiam, Verginiam, Scauolam. Deceueram hic apponere exempla
 aliquot; sed quia non nimis videbatur necessarium, ne prolixior es-
 sem, prætermisi. A tragœdia etiam videri possunt desumpta epigram-
 mata, quæ de morte alicuius scribuntur, & sepulchralia appellari possunt.
 Quatenus verò partium comœdiæ particula quædam est epigramma;

inde quòq. defumit materiam; suamq. facit; Est quidem (vt ait Arist. „ in lib. Poët.) imitatio deteriorum, neq. tamen in omni vitiorum gene- „ re, quanquam ridiculum à turpi proficiscitur; Ridiculum enim aliquos „ pacto peccatum est, & turpitude sine dolore; Hæc ille. In comœdia igitur „ illa, quæ vetus appellatur, profitebantur veteres poëtæ impunè se „ vnumquemq. ridere posse, ac nominatim reprehendere, adducere quo „ in ludibrium, & contempnum, patefacto aliquo ipsius vitio. Hæc tota „ materies conuictiosa & ridicula est etiam epigrammatum, nam in his „ poëtæ aliena detegunt, ridētq. vitia; & errata cum lepore, & festiuitate „ non pauca; adeò, vt aliquando ne nomina quidem sileant personatum, „ Aliquando tamen inmutent, quod se fecisse testatur Martialis in „ vna ex suis Epist. Leget per se vnusquisq; & me etiam tacente, ac præ- „ termittente exempla, anima duertet in Catullo; in Martiale, & aliis, qui „ epigrammata scripserunt; In maledicendo verò, & ridendo aliena pec- „ cata multò opus est lepore, & sale, nam qui id parum aptè faciunt, mul- „ ti sunt; Ex recentioribus præsertim, qui bibliothecas referferunt suo- „ rum epigrammatum voluminibus; Lepidè ridet Catullus Rufi maleo- „ lentiam sub alis; & Gellij oris foetidum thalium; pulcherrimè illudit „ Quintiæ staturam nimis longam, & Lesbiam suam laudat; falsissimè „ carpit Ausilenam, Cæsarem, Mamurrani; Martialis quoq. aptè multis „ in locis; sed plerique in iocis friget. Bellum est illud Martialis lib. vi. „ in Coraciūm; lepidum illud in Cilicēnū furem, In eodem lib. falsum „ illud de Gellia. Frigere mihi videtur idem lib. primo, cum scribit ad „ Fidentium, & ad Posthumum; non nimium lepōris habet, quod scribi „ rur ad Marianum lib. ii. Friget quod in Taurum scribitur lib. eodem; „ & ad Gargilianum lib. v. & in Candidum lib. eodem. Ac ne singula re- „ censeam, poterit quilibet per se hæc facillimè diiudicare, qui veterem „ illam Romanorum urbanitatem degustarit. Erat enim ferè Domitiani „ Imp. temporibus abolita, quòd in Vrbe multa esset infusa peregrini- „ tas. Præterquam quòd vetus comœdia in maledicendo multum operæ „ ponebat, lasciuis quoq. vocibus, ac petulcis erat referta, quæ ipsa „ consuetudo etiam ad epigrammata transiit; nam sæpè videre est iis contine- „ ri res obscenas, ac lasciuia cuiusdā planè mimicæ plenas, quod ipsum eo „ gnosci potest apud Catullum, et Martialem adeò sæpè, vt vna hæc potiss. „ videatur esse epigrammatum materies, quæ planè eadem est cum comi- „ ca; neq. vllā in epigrāma differt à comœdia, præterquam forma, et rā- „ tiōne tractandarum rerum, Illa enim fustus, ac per colloquitiōnem; Hoc „ autem breuius, atq. simplici quadam narratione; Ac planè eadem vide- „ tur esse ratio præceptionū in epigrāmatis scribendis, quæ à veteribus, „ & à Cic. præsertim lib. ii. de Orat. de salibus oratoriis tradita fuit. Vno „ autem hoc excepto, quòd Cic. mimicos iocos interdicit oratoribus, in „ cæteris epigrammatū scriptores oratorib. pares sunt. in eo etiam (nam „ mimicā ipsos non dedecet) superiores, quare non inutile fuerit totam

illam artem, quam conatus est Cicero de salibus oratoriis tradere, Epigrammata volentibus scribere in promptu habere; sed cum facietiarum duo sint genera; alterum æquabiliter in omni sermone fufum; alterum peracutum, & breue; illaq. à veteribus superior cauillatio, hæc altera dicacitas nominetur; Hanc ego existimo non tantum propriam esse oratoris, sed etiam eius, qui Epigrammata scribit. Facietiarum aliæ in verbo, aliæ in re posita sunt; illarum priorum locos septem Cicero assignat; harum posteriorum locos duos & viginti, quos ego hic omnes apposuissim; sed quia illinc facile peti possunt, satis putaui, si id subinuerem huc spectare: Iam satis, opinor, demonstratum est partim ex tragœdia, partim ex comœdia vetere duci epigrammata, quod si patet, iam cætera multò facilius demonstrabuntur; Comœdia quoque, quæ noua dicta fuit, huic generi magnam subministrat materiem; quamuis enim mordax, & dicax non sit, habet tamen in se sermonis festiuitatem, spem, metum, suspicionem, leuitatem, grauitatem, animorum dissimilitudinem, amorem, desiderium, dissimulationem, subitam lætitiâ, insperatum incommodum, misericordiam, fortunæ commutationem, & alia innumerabilia, quæ aptè Epigrammate comprehendî possunt; Amatoria enim in primis venatur is, qui Epigrammata scripturus est; inuestigatque, quales sint illius perturbationes omnes, quod hominem impellant, quod retrahant, quid suadeant, à quo reuocent. ex qua inuestigatione magnam sibi rerum syluam parat ad id poematis genus; Hæc facile animaduertet aliquis esse verissima, si quæ à Catullo ex hoc affectionum genere deducta & scripta sunt obseruarit; ibi enim maximè excellit, ibi plurimum nitoris habet, & elegantia, vt in Epigrammate ad Iuueniuni. O qui Flosculus es. & ad eundem. Mellitos oculos tuos Iuueni. & ad Ipsithyllam. Amabo mea dulcis Ipsithylla. Itidem ad Iuuenium. Nemone in tanto. & ad seipsum. odi, & amo. Itidem de Lesbia. „ Lesbia mi dicit. & ad Iuuenium rursus. Surripui tibi, dum ludis. & ad seipsum. „ Siqua recordanti. Martialis lib. primo in Epigramm. ad Flaccum. Siquis forte mihi, Itidem ad Diadumenum. „ Basia da nobis. & eodem lib. de morte Eutychi. Flete nefas vestrum. & in Afrum lib. ix. Dantem vina tuum. Itidem lib. xi. ad Romam & Dindimum. Vncus falciferi. Ex Epopœia quoque aliquid sumit Epigramma, laudationes in primis insignium virorum, aut urbium. Fluiuiorum, portuum, & fontium. quale est illud Catulli ad Ciceronem. Disertissime Marce Tulli. Et Martialis ad Domitianum sæpè. Sed fabulosa quoque non aliunde sumuntur, quàm ex Epopœia, nam neque comœdia, neq. tragœdia recipit antiquas illas fabulas de diis, de inferis, de nymphis; & huiusmodi rebus; præter admodum pauca, quæ in tragœdiis est videre, quia poemata hæc confinguntur ex necessario, aut verisimili, quod sit è necessario ductum; sicut satis in poetice explicat Aristoteles. Hinc igitur fit,

ut in epigramm. loqui videas magna cum venustate Deum, aut Deam aliquam; Nymphas, Satyros, & huiusmodi genus. Quin etiam aliquando præter verisimile illud, de quo loquimur ex Aristotelis sententia, perlepidè amnis, fons, arbor aliqua, vrbs, oppidum loqui inducuntur cum aliis, aut poetæ cum ipsis. Obseruavi tamen ego Catullum in Epigramm. suis deos nunquàm facere loquentes, aut nymphas. Martialem quoque haud satis scio, neque in memoria habeo id vnquàm fecisse. Recentiores certè sæpè id iam factitarunt; sicuti satis est notum; Quàm verò id liceat, ceteri viderint diligentius; Ego ut non probem, non certè magnoperè improbo, quia in Græcis epigramm. video vsitatum; indèq. tota ea consuetudo manauit; Neque verò est, quòd quisquam expectet hoc loco ut aliquot ex recentioribus nominem in hoc genere poematis non satis magna cum laude versatos; Ego enim magis quid rectum sit conor præscribere, quàm aut aliorum errata demonstrare, aut corrigere. Est in Epigramm. Græcorum lib. tertio, in inscriptione xliiii. εἰς Ἡρώας, in Epigrammate Asclepiadæ tale argumentum, ut inducatur super tumulo Aiædis sedens virtus, & ita loquens.

Ἄλ' ἐγὼ δ' ἀτλάμιον Ἀρετῆς παρὰ τῷδε κήρυγμα
 Λιάνθες τύμβῳ κειραμένα πλοκάμους.
 Θυμὸν ἄχα μὲν ἄλγος βεβηλόμηναι, οὐνεκ' ἀχαιῶν
 ὁ δολοφρονὶς ἀπ᾽ αὐτῶν κρείσσον ἐμοῦ κέρρισκε.

Videndum igitur erit diligenter; quid Romanorum linguæ vsus recipiat, quidue reiiciat, quod homini exercitato non erit admodum difficile. Inducit Martialis libro primo colloquentes inter se leporem, & leonem, quod est omnino fabulosum, ac præter verisimile; Neque idè mihi multum probatur. Catullus quoque ianuam loquentem facit; sed ea fortasse potius elegia dici debet, quàm epigramma; quidque deceat in Elegia sequi, aliàs commodius declarabimus. Narrat A. Gellius certamen ortum inter quosdam doctos viros de suauitate Epigram. Græcorum & Latinorum, nam cum suauiora nonnulli Græca assererent, satis apertè est ab altero demonstratum multum quoque suauitatis inesse in Latinis, atq. ita quidem sese res habet: sed non ex iisdem sæpe rebus provenit; Idè res tota diligenter diiudicanda, nam multa habent Græci lepidissima, quæ alioqui apud Latinos ita relata falsa non sunt; Apposuissem hic exempla; sed adnotasse satis fuerit id, quod est inuentum facile; Suauitas ex omnibus iis rebus oritur, quæ in se suauitatem aliquam habent ad sensus oblectandos; ut, riuuli fluentes, fontes, viriditas arborum, & segetum, oscula, saltationes, & reliqua eiusmodi; tantòque maiorem habent suauitatem, quantò expressius describuntur, ac ferè sensibus subiciuntur. Suauem reddunt, & lepidam orationem in Epigram. allocutiones ad seipsum conuersæ, ut in illo Catull. Desinas ineptire miser Catulle. Seu apostrophè in medio epigramm. aut in extremo posita ad aliquem vel Deum, vel hominem;

Cuius rei exempla multa apud Catullum, & alios. Suauem quoq. reddunt sermonem in Epigramm. allocutiones cum syluis, cum fontibus, cum insulis, & rebus inanimatis. vt in illo Horatii.

” O fons Blandusiae.

Itidem apud Catullum ad Coloniam, & apud eundem ad Sirmionem; nam Catullus etiam suos alloquitur hendecasyllabos. Venustum illud est, quod aliqua fuerit tinctum antiquitate, & eruditione, non ita passim cognita, vt in illo Catulli. „ Minister vetuli. & apud eundem, cum ait,

” Quem attractis pedibus patente porta

” Percurrent raphani, mugilésque.

Innuat enim ἡ ἀφαιρέσις, de qua multa apud Græcos. Occulta etiam significatio, quæ subest verbis proximè id significantibus; multum in se lepôris habet; vt in illo Catulli de Gellio.

” Si tria amatorum.

Delectat quoque mirum in modum, quod acutè fuerit dictum, quale illud Græcum de Cæco, & Claudio; quod vertit Aufonius; & illud Catulli de Gallo; In eodem genere ponenda sunt ea, quæ sunt aptè conclusa, & paria paribus habent reddita. Itidem ea, quæ redundarint aliqua animi affectione; vt in iis exprimatut aut dolor, aut mœror, aut pietas, aut conuictio. Aptè texuntur epigrammate res gestæ præclari alicuius viri, sed illud in primis requiritur, vt in fine epigramm. apponatur aliqua ἐπίτης argutule prolata, vt in illo Martialis de Portia.

” I nunc & ferrum turba molesta nega.

Itidem apud eundem libro primo de Scauola. & Porfenna. Huiusce autem generis epigrammatum maxima est apud antiquos pars, vt facile potest ab omnibus obseruari. Verba verò ipsa, quæ in epigrammate ponuntur, in primis splendorem quandam, & proprietatem requirunt; sic enim res. multum illustratur; Translata quoque adhibenda, sed molliuscula, & apta, neq. grandia; vt in illo Catulli ad Iuencium.

” Surripui tibi, dum ludis. Itidem apud eundem. Iam ver egeidos re

” fert tepores. Ac ne singula persequar; Verba debent esse aperta, lucida, expressa, rotunda, aptè ficta, non popularia, non plebeia, non sordida, non dura, non obsoleta, non aspera. In verbis leporem habet apud Græcos paronomasia etiam frequens, vt in illo.

” οἱ κόρη ἀχρεῖ κόρη κατέσχευέ μοι, ἀλλ' ἐκέρχισθ' ἄνδρα
” ἄχρεῖ κόρη κατέσχευέ μοι, ἀλλ' ἐκέρχισθ' ἄνδρα

Apud Latinos parcius posita in duabus, aut, ad summum, tribus dictionibus laudabitur. Neque etiam magnopere requiro illas ἀποστιχίδας, in quibus multi nostræ ætatis homines laborarunt. ἀποστιχίδα autem vocò, cum ex ordine primarum literarum, aut syllabarum vniuscuiusque versus, colligitur dictio aliqua; aut sententia aliquid significans;

” que versus, colligitur dictio aliqua; aut sententia aliquid significans; qualis est in carmine Sibyllæ, quod circumfertur apud Græcos. Nolim etiam

etiam admodum misceri Græca verba, etsi Catullus semel *μυμῶσιν* dixit. nam Martialis Græcum etiam versum miscet. Id verò, me iudice, vitandum est. Cauendum autem in primis, ne res verbis seruiant; sed videndum, ut res verba sequantur; in quo peccare plurimi videntur. Multò verò diligentius videndum, ne vllum ociosum, aut superuacaneum ponatur verbum ad numerum explendum: Id enim mali poetæ vitium est, quo tamen multi laborant nostra ætate. Hæc habui quæ de artificio epigrammatis *μεθοδικῶς*, quoad eius fieri potuit dicerem; Reliqua attentius sibi quilibet parare poterit ex lectione veterum poetarum, & exercitatione scribendi.

Francisci Robortelli Vtinenfis

EXPLICATIO EORVM OMNIVM,

QVÆ AD COMOEDIAE ARTI-

FICIVM PERTINENT.

FINEM habet sibi propositum comœdia cum, quem & alia omnia poematum genera, imitari mores, & actiones hominum. Et quoniam omnis imitatio poetica tribus conficitur. Sermone. Rhythmo & Harmonia; Tria hæc in comœdia adhiberi consueverant; sed seorsum in singulis partibus, neque simul, ut in nonnullis aliis, quod tamen commune habet cum tragœdia, ut in lib. Poët. declarat Aristoteles; differt etiam comœdia ab aliis materie rerum subiectarum, quas tractat; nam imitatur actiones hominum humiliores, & viliores; & idèd differt à tragœdia, quæ præstantiores imitatur, ut idem exponit Aristoteles. Tertia differentia, quæ inter poemata constituitur, sumitur à modo diuerso imitandi. Comœdia imitatur homines, quasi negociantes, & agentes, quamvis & hoc commune illi sit cum tragœdia; vnde factum est, ut tam comœdia, quàm tragœdia *δραματοι* idest actus à veteribus dicantur *ἀπὸ τῆς δράμης*, quod est agere, seu negociari. Hinc Aristoteles in Poëtice, quàmuis obscurè, explicat tamen; ortam olim contentionem inter Athenienses, & Megarenenses, qui in Doride habitabant, de asciscenda sibi laude inuentæ primum comœdiæ. Asserebant Megarenenses tam ii, qui in Doride erant, quàm qui in Sicilia, (nam Dorientes illi ex Sicilia profecti fuerant) apud se inuentam comœdiam, eo tempore,

quo in illorum vrbibus administratio popularis florebat; atque hac ratione nitebantur; quòd Epicharmus prior fuisset Chionide et Magnete, quos Athenienses antiquis. apud se iactabant fuisse comœdiæ auctores; Secunda ratio deducta est à proprietate, & vñu dictionis; nam Athenienses *Αἰμαῖος* vicos vocabant; Megarenses verò *Μαίμαος*, quæ dictio comœdiæ nomen dedit; quoniam in vicis primum, & pagis agi cœpit; noctu enim quidam discursantes per vicos, & pagos conuitia ioculariter proferebant in eos, à quibus iniuriam acceperant; ex qua re hoc capiebatur commodi; quòd multum cohibebatur improborum insolentia, ac petulantia; Ideò permixtum, vt in theatro recitarentur ea carmina conuitiosa; vnde paulatim orta comœdia; Varro quidem hac eadem via inuentam narrat; itidem & Donatus; sed vterque apud Athenienses, quod non videtur probare Aristoteles. Tertia ratio huiusmodi est. Athenienses *ἡ ποιητὴν* dicunt *μεσσην*, Megarenses vero *ἡ ποιητὴν*; & quoniam *ἡ ποιητὴν* dicta sunt *σάματα*; Similius vero est apud Megarenses prius inuentam comœdiam. Duabus verò de causis inuenta videtur, & amplificata comœdia; primum, quia homines apti sunt ad imitationem, & id insitum habent à natura, cum adhuc pueri sunt; deinde quia vnusquisque imitatione gaudet; Cum igitur & essent, qui imitari aptè possent; & qui ea, quæ imitatione exprimebantur, libenter spectarent, factum est; vt in magno esset honore tale poematis genus. Erat quidem ab initio rudis, perpusilla, nec satis redundans comœdia; sed paulatim aucta fuit; cum in eam, non secus ac riuuli solent in amnem, influxisset phallica poësis; (sicuti in Poëtice declarat Aristoteles) propter affinitatem quandam, & similitudinem rerum; quæ autem, qualisque sit phallica poësis, ibi est à me copiosè declaratum; Ambigere tamen videtur Aristoteles, an comœdia adhuc sua ætate esset absoluta, necne; puto, quòd non satis probaret, eam comœdiæ formam, quæ tunc erat in vñu, veterem à nobis dictam, quia erat conuitiis referta, & multa imitando agebat, præter simile vero, quod in primis sequi poëtam oportet; Testatur Aristoteles ibidem, non satis sibi esse perspectum, quomodo aucta fuerit comœdia; affertque rationem hanc, quòd eiusmodi poësis diu latuit neglecta, quia pauci admodum erant ipsius studiosi propter conuitiorum asperitatem; Et lege cautum erat, nequis in theatrum conicarum rerum imitationem proferret; postque multos annos vix aliquando ab ipso magistratu nonnullis concessum; vt comœdiam recitarent; Illud tamen asserit, notum esse. Phorum, & Epicharmum primos in Sicilia fabulam finxisse comicam; Apud Athenienses verò Cratetem, qui iambica poësi omissa; in qua antè versatus fuerat, animum appulisse fertur ad scribendam comœdiam; quis autem prologos inuenerit, aut chorum, aut multitudinem histriionum in comœdia, prorsus ignorari. Prologum verò sciendum est, aliter ab Aristotele sumi, quàm à Latinis; nam in prologo, quæ prima pars est fabulæ

Epi

Episodium aliquod collocatur fabulæ augenda, & ornanda causa; esset enim aliqui brevis, & perpussilla. Quod si quis quærat, utrum prius comœdia inuenta fuerit, an tragœdia; Donatus Terentii interpres prius tragœdiam extitisse ait; affertque rationem hanc, quod à ferino cultu, & sylvestribus moribus paulatim deuentum est ad mansuetam, & ciuilem viuendi rationem, atque hilaritatem. Aristoteles verò in Poëtice diligentius rem totam perquirens ex natura ipsa eodem tempore utranque extitisse videtur innuere; ait enim homines, cum alii essent *συνώπριοι* idest grauiiores, & seuiiores; alii *ὀπλιότεροι* idest leues, & iocosi; Illos quidem grauiam scripsisse; hos autem leuiam, & iocosa; atque ita enatum duplex poematis genus; Alterum quidem seuerum; alterum verò iocosum: rémque ita sese habere Homeri probat exemplo, in quo utranque naturam licet perspicere, & leuem, & grauem; nam quatenus seuero fuit ingenio, & graui, Iliadem scripsit, & Odyssæam: quatenus autem leui, & ioculari; Margiten. At ex priore quidem genere enata tragœdia, ex altero autem comœdia, redactis narrationibus ad dramaticas imitationes: nam ipse Homerus primus dramaticè scripsit; Quum igitur Homerus res iocosas dramaticè scriperit, normam videtur primus tradidisse comœdiæ: Paulatim verò *ἐκ τῶν αὐτοῦ διασμάτων* extitit vetus comœdia dicta; qualem Aristophanes scripsit: in qua multa fabulosa miscebantur, quod non est in noua postea factum, nam Deorum personæ in ea sæpè videntur: ut apud Plautum in Amphitryone: noua comœdia magis accessit ad imitationem morum, qui quotidie in communi hominum conuiuiu cernuntur. Idèò Aristoteles, cum nondum, opinor, eius ætate extitisset noua comœdia, in poëtice innuit, quod nos in nostris explicationibus ostendimus, non videri sibi adhuc ad summum peruenisse decoris, sicut postea peruenit; Plutarchus quoque in eo libello, in quo Menandrum cum Aristophane confert, satis multa protulit, ex quibus cognoscas, veterem non satis probari; nouam multò esse laudatiorem; cuius extitit author Menander, quem est in primis noster Terentius imitatus. Verba Plutarchi ego hic nonnulla apponam, ut res facilius intelligatur. *Λεωτοφάνης μὲν ὧν, οὐτε τοῖς πολλοῖς ἀρετὴς, οὐτε τοῖς φρονίμοις αἰκνότης, ἀλλ' ὡς παρὰ τῆς ποιήσεως παρηκμασε κίχαις, εἴτα μιμουμένης γεμετήν; οὐτε οἱ πολλοὶ τῶν αὐθάρδων περιμύθουσιν, αἱ τε σιμμοὶ βδελύσσονται, ὁ δὲ Μενάνδρος μὲν χειρῶν μάλιστα ἑαυτὸν αὐτάρκην παρέθηκεν, ἐν διαλέτοις, ἐν διαβήσεσσι, ἐν συμποσίοις ἀγνώστεια, καὶ μάθημα, καὶ αἰτιώσεσσι κοινότατον, ὧν ἡ ἑλλὰς ἐν λυσιγέλειον παρέχον τῶν ποιήσων, θεένους ὅτι διη, καὶ ὅποιον ἡ αὐτὰρ Λεωτοφάνης λόγον ὁσίων ἀπανταχόσε μὲν περὶ τοῦ ἀφύκτου, καὶ χειρομύθου ἀπα(γεν ἀνθρώπων φωνῆς ἑλλενιστοῖς, In vetere comœdia mulum inerat dicacitatis, & maledicentiæ, adeò, ut ne nominibus quidem parcerent. Hoc apud Aristophanem ubique obseruari potest; in Nebulis præsertim; vbi ridetur Socrates vir ille optimus, ac sanctissi-*

mus .de hac verò dicacitate præclare Horatius libro secundo Epist. in Epistola ad Aug. Fuit verò necesse totum hoc maledicentiæ genus lege coercere; atque ita ad satyras translatum fuit, quales Horatius scripsit, & ante eum Varro, & Lucilius; postea verò Iuuenalis, & Persius, nam olim satyra non erat eiusmodi, sicuti copiosè docuimus in disputatione, quam scripsimus de satyra. Sed qui plura scire volet de comœdia vetere, & noua; is legat ea; quæ scripta reliquit Platonius Aristophanis interpret. Fuit apud veteres quædam comœdia dicta MIMVS à nimia imitatione; Ea res continebat obscenas, quas histriones ipso etiam gestu exprimere conabantur; Idèò Cicero libro de Oratore secundo monet, Mimicos sales oratori esse vitandos propter obscenitatem; qui talem comœdiam scribebant, Mimographi olim dicti. Mimorum vero comœdiarum plura recensentur genera, nam alii Hilarœdi, alii Magœdi, alii Sicyonii, alii Phallophori; Sunt hæ à Latinis Planipedes vocatæ, quod sine focco agerentur; Pantomimum ex hoc genere refert Lucianus in libro de Saltatione; & Saltatorem, qui manibus, ac pedibus aptè motis, omnia exprimebat; quam saltandi rationem *ῥαπσοδικίαν* scimus vocatam; de ea Quintilianus libro secundo. Comœdiarum autem genera totidem fermè connumerantur apud Romanos Stataria; Motoria, Mixta. Togata. Palliata. Tabernaria. Stataria; qualis est Andria, nam quietiore agitur modo; Motoria turbulentior est, qualis Eunuchus. Mixta ex vtroque, qualis Adelphi. Prætextatæ à prætexta imperatoria dictæ, quibus negocia imperatorum agebantur, seu publica seu priuata; prætextati enim erant etiam imperatores, & magistratus. Hinc Cicero libro quinto Epistolarum ad Atticum, Epistola prima. „ Magnus eo die prætextatus fui; Reliquæ etiam simili ratione vocatæ à rebus, quas complectebantur. Erant etiam Attellanæ ab Attella oppido dictæ, Iocosæ. de quibus vide Donatum Ter. interpretem. Partes verò comœdiæ, aliæ sunt, quæ ad essentiam respiciunt, & essentielles dici possunt; aliæ, quæ respiciunt ad quantitatem; & partes magnitudinem constituentes vocari possunt; ac primùm de essentialibus dicamus. Ex numero sunt quinque, seu, vt alii, sex. Fabula. Mores. Sententia. Dictionis. Apparatus. Melodia; Has totidem esse ita probat Arist. in Poët. Non potest recitari comœdia vlla, si non adhibeatur Melodia (quia ita obtinuit vsus) & apparatus, vt res in scena, tanquàm in vrbe, aut oppido aliquo geri videatur; Ergo necessariae sunt hæ partes. Melodia, Apparatus; multò verò magis necessariae aliæ, quia sine iis ne scribi quidem potest comœdia; Nam scripturo comœdiam prius necesse est excogitare rem, quæ scribenda est; Ea continetur fabula. sed rursus oportet fabulam, quia imitatur esse moratam; & exprimere exactè diuersorum hominum mores; & idèò necessaria

altera

altera pars. MORES. nam non omnis oratio Morata; qualis est Mathematicorum, Medicorum, Physiologorum, Dialecticorum. Verum quia necesse est animi sensa exprimi per orationem; idè necesse alteram addere partem, quæ est. SENTENTIA. Sed quia sententia verbis constat; idè necessariò additur etiam alia, quæ est. DICTIO. Ad hæc omnia respiciat necesse est, qui comædiam scripturus est apè sed dicamus de iis singillatim. Fabulam comicam oportet complecti res tenues ac viles; hac enim ratione differt à tragœdia; itidem simplicem, atque vnâ tantum actionem imitari, non plures; quæ confici possit intrâ vnus Solis periodum, vt doctissimè monet Aristoteles in Poëtice, vbi de tragica loquitur fabula. Periodum autem vnus Solis, putarim ego referri debere, non ad diem naturalem vulgò à Mathematicis vocatum; sed ad artificialem. sicuti copiosius à me dictum est in Explicationibus libelli de Poëtica. Debet fabula habere magnitudinem, & ordinem. Magnitudo facit, vt ab extemporaneis differat quibusdam, & breuibus poematibus. Ordo facit, vt omnes partes inter se congruant; neque enim temere debet vbilibet terminari fabula, aut vndelibet initium sumere. Præfiniendæ autem magnitudinis in fabula illa certissima norma est; vt tantum excrescat in vnus actionis tractatione; quantum par sit; hoc est, donec appareat esse venustior; atque vt summatim dicam, Ea iusta magnitudo fabulæ comicæ est, in qua apertè fieri mutationem, & inclinationemurbationum, & rixarum necesse est. Partes verò omnes fabulæ inter sese ita iunctas esse oportet; vt nulla subtrahi, aut transferri possit, quin tota fabula ruat, & dissoluatur; In fabula porrò comica omnia nomina consinguntur personarum, quod in tragœdia non fit; quia hæc argumenta tractat rerum commiserabilium, quæ contigerunt, certis quibusdam hominibus, quorum nomina necesse est proferrè, Comœdia autem omnia consingit ex verisimili, & idè etiam nomina comminiscitur; sicut præclare docet Aristoteles in libro de Poëtice. Fabulam minime oportet esse episodicam, est enim vitiosa; Episodicam voco eam, in qua præter actionem illam, quæ proposita est ab initio, multa inseruntur; quod olim ab imperitis fiebat poëtis in certaminibus vt longior appareret fabula; & magis oblectaret. Quoniam verò in comœdia non tantum imitatio est rerum vilium, ac tenuium, cuiusmodi sunt in actionibus hominum priuatis; sed etiam turbulentarum; hoc enim etiam adsit oportet, quod est sumptum à natura, & consuetudine humanarum actionum, quæ semper aliquid in se perturbationis, ac difficultatis habent; necesse est intermisceri ea, quæ sunt præter spem, & expectationem nostram; euentu quædam fortuita, quæ insperatam lætitiâ afferant, aut dolo rem; aut admirationem. Duplex igitur dicimus fabularum comicarum esse genus; aliæ enim simplices sunt; Aliæ implexæ, qua-

les etiam ipsæ sunt actiones quas imitantur; et verò simplices sunt, quæ nihil habent in se speratum; & quæ nullam continent agnitionem. Implexæ autem, quæ aut alterum horum, aut utrunque continent; Agnitionis est, cum ex ignoracione in notitiam rei alicuius perducimur; ex qua aut læticia oritur, aut dolor; sed ferè semper læticia; nam agnitiones in comœdiæ extrema parte rectè collocantur; ubi turbatio rerum sedari incipit; cuiusmodi exemplum ex Andria Terentii sumi potest, & aliis multis, in quibus est agnitionis. Agnitionis quinque genera sunt: Primum est ex signis, quorum alia sunt ingenta, alia aduentitia, quæ rursus in duas diducuntur partes, nam aut in corpore sunt, ut cicatrices, nœui: aut extrinsecus, ut monilia. Horum signorum alia præstantiora sunt, alia deteriora; & alia artificialia, alia verò inartificialia. Artificialia sunt, quæ ab ipso poëta excogitantur. Inartificialia, quæ per se insunt in rebus, & suppetunt ex ipsa fabula. Ingenta signa vocamus, quæ attribui solent ipsis habitibus personarum; ut claua Herculi, & leonis pellis. Secundum genus agnitionis fit per memoriam; cum aliquid spectantes alterius similis nobis subit recordatio; & ex simili simile agnoscimus. Tertium genus agnitionis fit ex necessaria rationatione, ut cum alicui vnum tantum in ciuitate similem esse scimus; hunc esse similem videmus; hunc igitur illum esse colligimus. Alia vero agnitionis, quæ quarta est, fit per paralogismum; atque sanè hæc fallax est ex principio non vero ducta, sicuti paralogismus dialecticorum. Quintum genus agnitionis est, quod nascitur ex verisimilibus coniecturis attentius consideratis, & inter sese collatis. Atque hæc de agnitione à nobis breuiter dicta sint; Copiosius enim in lib. de Poët. apud Aristotelem diximus. Neque verò temere progrediendum est ad fabulam comicam scribendam, sed certa cum ratione; ac methodo, quæ, sicuti scribit Aristoteles, huiusmodi esse debet; Constituenda primum est poëtæ fabula; & breui oratione describenda, atque ob oculos ponenda; ut intueri faciliè possit, quid deceat, quid uerò non deceat; non secus ac spectator solet, dum res in scena agitur; Vti autem debebit oratione, quæ fabulam explicet, plana, ac aperta; ut repugnantia, si quæ fuerint, perspiciat; hinc enim maxima pars erratorum proficiscitur, quæ à malis, & indoctis poëtis committuntur in scribendo. Summam rei totius cum ita explicarit poëta, nomina illi sunt pro re consingenda, quæ apta sint: mox Episodia parare debet & suis locis disponere; Episodia enim poemata augent, & actionem ornant, & amplificanc. Atque hæc quidem ita sese habent, quæ ego ex Terentianis aut Plautinis fabulis aliquot proferens exempla non lucidius quidem, sed prolixius fortasse enarrassem; ideo satis mihi visum fuit, si omnia breuiter, ac sine exemplis, asserrem in medium. Illud quoque ad artem scribendæ comœdiæ pertinet, ut sciamus, duobus veluti quibusdam terminis distinguere ipsius longitudinem: Solutione scilicet & connexionem. Connexio enim

appel

appellatur id totum, quod ab initio poëmat^{is} pertingit vsque ad eum locum ubi inclinant turba rerum, & mutatio fit, sicuti superius est a me dictum: Solutio autem vocatur ea pars, quæ à mutationis principio vsque ad exitum fabulæ producit. Hæc qui habuerit in promptu, & facile antiquorum poëtarum scripta diiudicabit, & ipse faciliore quadam ratione comœdiam scribet. Sed hæcenus à nobis de fabula dictum sit: nunc dicendum de moribus. In moribus quatuor sunt consideranda. Primum videndum, ut probitatem, & improbitatem præseferant in singulis hominum generibus. Si probus aliquis fuerit, probi sunt quoque ipsi attribuendi mores: exprimuntur autem mores sermone, & actione; nam ex his cognoscimus, an aliquis probus, an improbus sit: hoc verò est observandum in quolibet hominum genere, nam sæpè contingit, ut qui mores in vna persona laudantur, alteri non conveniant; nam ratione personarum multum dissimilitudinis accipiunt: Da mihi seruum aliquem non esse furacem, in seruo hæc est summa virtus, & probitas, in viro nulla laus est: in muliere laus est aptè texere, pingere acu, nere; in viro hæc laudari non debent. Alexander Macedo à Philippo patre reprehensus olim narratur, cum eum inter cantores aliquando canentem deprehendisset, quasi id parum regi conveniret. Neroni vitio datum fuit, quòd peritus esset cantor: Commodò, quòd bene iacularetur & luctaretur: quare laudes eæ, quæ conveniunt ignobilioribus, non sunt laudes, si attribuantur præstantioribus. Servi mores si applicentur viro ingenuo, & insigni non modo deterior fiet, sed etiam malus: ex quo patet eam, quæ in seruo summa erat probitas, in illo esse summum vitium. Secundum genus, quod requiritur in moribus, est ἁρμόσιον, ut fortitudo corporis, summa quidem virtus est; sed si attribuat^{ur} scæminæ, & poëta aliquis talem effingat scæminam, qualem Homerus effingit Achillem; valde fuerit reprehendendus. Tertium, quod in moribus inesse debet ab Arist. in Poët. vocatur ὁμοίον, ut scilicet imitatio morum in alicuius persona exprimat^{ur} ex famâ iam recepta, & communi hominum opinione: tunc enim ὁμοίον illud servat^{ur}, cum talia agentem, & loquentem poëta aliquem inducit: qualia homines ipsum agere, & loqui solere sciunt: exemplum esto. Achillem scimus acrem, & inexorabilem fuisse sicque de eo omnes existimant. Talis igitur effingi debet. Vlysses callidum, & vaf^rum narrant fuisse antiqui: Eiusmodi igitur effingendus. De hac re copiosè Horatius in Poët. & in Epist. ad Augustum, lib. secundo. Quartum, quod in moribus necessariò poni debet, est ὁμαλόν, æquabiles enim vbiq^{ue} mores sint in poëmate oportet: ut si semel timidum, avarum, superbum aliquem ostenderit, eundem talem semper ostendas: non aliquando timidum, aliquando audacem, aliquando avarum, aliquando liberalem: summum enim hoc vitium in poëmate: sed de hac re nos copiosè in nostris explicationibus dicemus in lib. de Poët. Arist. Horat.

tius quoque hæc diligenter scripsit in sua Poët. Sciendum verò mores effingi duplici modo, aut κατὰ τὸ εἶδος, aut κατὰ τὸ ἀναγκάειον. vt ait Aristoteles in libro de Poët. Si igitur personæ inducuntur notæ, & eorum quos fuisse verè scimus, mores sunt exprimendī ex necessario. Sin autem personæ fuerint nouæ, & ab ipso poëta tunc primum efficiat, debent in iis exprimi mores ex verisimili; quod vt sciat possitque efficere poëta, necesse est, vt omnium ætatum, omnium ordinum mores obseruet; sicut doctè monet Horatius in Poët. & Aristoteles in Rhet. ad Theod. lib. secundo. neque illud tamen ignorandum; in comœdiis omnes effingi personas à poëta; & quolibet nomine appellari, vt superiorum etiam diximus, & idè eiufmodi poëmata recipere tantum τὸ εἶδος, quàmuis vetus comœdia veram aliquando reciperet personam; sed ego de noua loquor, quæ multò laudatior est. In tragœdiis secus est; nam cum res veræ earum imitatione exprimantur, nomina etiam vera retinenda fiant; & mores exprimendi κατὰ τὸ ἀναγκάειον; quàmuis non omnes personæ veræ, & notæ etiam in tragœdiam inducebantur. nam satis est, si aliqua vera nomina retinentur eorum, quibus res acciderunt aduersæ. reliqua pro arbitratu possunt à poëta confingi ἢ εἰκώτως, sicut ti in comœdia fieri diximus. Atque de moribus hæcenus à nobis dictum sit; ex quorum tractatione totum ferè comici poëmatīs pendet artificium. Nunc consequitur vt dicamus de sententiā. Sententiæ virtus est, vt aptè exprimat animi sensum. hortetur, incitet, retineat, solletur, irrideat, contemnat: & huiusmodi innumerabilia conficiat; sicuti doctè scribit Aristoteles in libro de Poët. Oportet autem, cum sermo comicus sit tenuis, & vt Græci Rhetores vocant, ἀφελὺς, sententias quoq. ipsius minimè grandes esse, sed humiles; alioqui enim non differret à sermone politico, eo scilicet quo vtuntur oratores in foro; Idè Aristides rhetor in libro τῶν ἀφελῶν λόγου verissimè rem totam diiudicauit; ait enim τὰ πολιτικὰ ἐννοήματα sunt βαρύνεσθαι, καὶ δοξοτέραι, καὶ ἀπὸ τῶν ἐνδοξοτέρων λαμβανόμεναι, καὶ σφριμύτεροι, πλείντε σφριμύτητα ὀργαζόμεναι, καὶ τὴν ἀσπασίαν, πρὸς τὴν κατὰ τὸ εἶδος, τὰ δὲ ἀφελῆ νοήματα ἀπλοῦς, ἐπίκουρα, ἀδύνατα, καὶ ταῦτα ἀπὸ ἀδύνατον ἐπιχειρήματων sumpta. præter hanc differentiam, quæ est inter sermonem oratorium, & comicum ἐκ τῶν ἐννοημάτων, est etiam alia, quæ sumitur ἐκ μεταχειρίσεως. nam in sermone politico, seu oratorio est declaratio quæstionum, & probatio diligens, vt animus auditoris, attentè percipiat, & credat ea, quæ dicuntur; In sermone autem comico, quæstiones non sunt, sed proferuntur omnia tanquàm iam κεκοιμημένα & probata.

„ Alia quoque est differentia ἐκ τῶν ἐννοημάτων, nam, quæ sunt in sermone politico, videntur esse βαρύνει ἐλεγκτικὰ, & βίαια (sic enim scribit idem Aristides rhetor) in comico autem, seu ἀφελῆ, ἀειμελῆς, ἀπλοῦς, μηδενὶ ἐλεγχον, μηδὲ κρίτησιν ἐμφανέσθαι sed κοινότηρας, καὶ ἀπὸ πεπλοκήτας, sicut enim illa sermo nem efficiunt grandem, & planè κρητύον, ita hæc ipsum faciunt ἀφελῆ, ac planè comicum, cum sint ὁμιλητικὰ, & ἰδιωτικὰ. Atque hæc de sententiā dixisse

dixisse satis fuerit. Nunc dicamus de dictione. Ea debet esse in sermo-
 ne comico, pura, facilis, aperta, perspicua, usitata; ex communi deniq.
 usu sumpta; nam, ut idem Aristides rhetor ait: sermo ἀφελής, qualis co-
 micus est, dictionem grandem non recipit, cum νοήματα habeat, ut di-
 ctum est, tenuia, & humilia. oratio autem forensis & politica, cum
 grandis sit, ad eam quoque dictionem grandem accommodari oportet.
 Atque ideo talis constituitur differentia inter sermonem comi-
 cum, & politicum sumpta ex dictionibus; ut in eo, hoc est, ἐν τῷ ἀφελείᾳ
 ἢ λέξει ὡς αὐτὴ τὴν χεῖρα (hæc enim sunt Aristidæ verba) περὶ ἀγεται ὑπὸ τῶν ἐμφαινο-
 ῶν, ἢ μὴ μετὰ τὴν ἐπιτήδευσιν. In politico autem, dictio oportet ut sit splendi-
 da, ornata & concinna. Adde etiam aliam differentiam, quàm ibidem
 apud Aristidem observavi; In sermone politico quicquid voluerit ali-
 quis significare, id ipsum separatim singulis dictionibus necesse est, ut
 proferat; verba Græca hæc sunt. τῇ λέξει ἐν πολιτικῷ λόγῳ ἕκαστο μόνον αὐτὸ θεῖ
 ἐμφαίνεισθαι. In sermone autem tenui, & comico, vna dictio, sæpe duo,
 aut tria significat; verba Græca ita sese habent; ἐν ἀφελείᾳ λόγῳ μία λέξις ἐστὶ
 καὶ δύο, καὶ τρία σημαίνει, οἷον τὸ ποσοφύλλος. Nam ex compositione multum splen-
 doris, & ornamentum accedit: Nunc, postquàm de dictione egimus re-
 liquum est, ut agamus de apparatu. Apparatus constat, scena, habitu,
 & vestitu hominum, dicamus igitur singillatim de iis. Scenarum tria
 genera recenset Vitruvius. Tragicum, Satyricum, Comicum. postre-
 mum hoc ita effingi ait, ut privatorum ædificia, cùm fenestris, ac por-
 tis præferat, ut etiam nunc sit. Scenam primus Ap. Claudius (ut scri-
 bit Valerius Max.) varietate colorum adumbravit; cum antè ex tabu-
 lis confici soleret sine pictura: Scenæ ornamenta sunt Aulæa, Peri-
 petasmata, Vela. Siparia. & reliqua eiusmodi. Scena floribus sterne-
 batur, & croco: ut ex versu Horatii in Epist. declarat Crinitus, qui pri-
 mum rectè eum locum poëtæ explicavit: In scena duas aras extrui so-
 litas scribit Donatus: & innuit Terentius, ubi ait, Verbenas hic
 ad aram ponito. Altera erat Libero dicata: altera Deo, Deæ uè in cu-
 ius honorem ludi celebrabantur: nam ludis aut megalensib. aut circen-
 sibus recitabantur comædiæ, quas procurare ædiles solebant ut ex in-
 scriptionibus Terentianarum fabularum, quæ adhuc leguntur, cogno-
 sci potest. Scena orchestram habebat, in qua saltatores collocabantur
 & pulpitum. ubi personæ loquentes stabant. ideo Horatius huc respi-
 ciens ait, Traxitque vagus per pulpita vestem. Sub scena machi-
 næ statuebantur ut bronteum, quo exprimebantur tonitrua; & ἐκκύκληον
 in tragædiis, in quo, cum esset in rotæ figuram factum; quò facilius vol-
 ueretur, eminens ab vna parte supra pulpitum scenæ; omnia ea, quæ
 sine horrore spectari non poterant pingebantur, ut cerni à spectatori-
 bus possent, sed de his hætenus. Vestitus, habitusque comicus huius-
 modi narratur à Iulio Polluce fuisse. Senibus candidæ attribuebantur
 vestes, quòd is habitus antiquis. putaretur; Iunioribus purpureus, &

versicolor ; seruis tenuis & pannofus assignabatur vestitus ad paupertatem significandam . gestabant enim exomidas . Parasiti palliis fuscis induti incedebant ; Viro læto vestis alba , Aerumnofo , & tristi furua tribuebatur . Lenoni pallium vario colore , et virga , quam manu gestabat : Sacerdotibus oblongæ , talarésq. vestes albæ . Vetulis fœminis ac matronis Melinæ . Calceamenta comica socci erant , sicuti cothurni , tragica . Barbæ (ut idem scribit Pollux) effingebantur , aut nigræ , aut canæ , aut breues , aut promissæ . Personati cœperunt aliquando esse histiones , cum ante fecibus ora illinerent : personarum inuentorem Thespion fuisse narrat Horatius in Poët. Arist. id incertum esse ait . De melodia ; quæ vt plurimum tibiis fiebat ; dicerem aliquid , nisi satis omnibus eam notam viderem ; quo loco , modoue ea in recitatione poëmatarum vterentur , alius erit quærendi locus ; & de hac re tota copiosius in nostris explicationibus in lib. Aristotelis de Poët. Hactenus à me exposita fuerunt partes comœdiæ , essentielles . Aliæ partes , quæ ad quantitatem respiciunt , quatuor à Donato enumerantur , qualésq. sint , explicantur . Prologus , Prothesis ; Epitasis ; Catastrophe . de his puto scripsisse Aristotelem in lib. secundo de Poët. quem interiusse suspicor ; nam libro primo qui extat ; tragœdiæ partes eiusmodi diligenter persequitur . Comœdia quinque actibus absolui debet , vt etiam monet Horatius in Poët. Donatus obseruat personæ vni non licere exire in scenam , nisi quinques ; in tragœdia tamen id parcius fit . De choris esset postremo loco dicendum , nam eos recipiebat vetus comœdia ; Sed quia eos reiecit noua comœdia , non est necesse , vt

de iis plura dicamus , cum præsertim in nostris explicationibus in librum Arist. de Poët. copiosè omnia à nobis fuerint declarata , quæ ad chororum spectant , etiam comicum ; redditaque ratio ; cur postea è noua comœdia fuerit sublatus .

Francisci Robortelli Vtinenſis

EXPLICATIO EORVM OMNIVM, QVAE AD QVAESTIONES DE SA- LIBVS PERTINENT.

X Rhetorica facultate, quæ multas et amplas partes habet; nihil iam ferè nobis videtur reliquum; quod explicemus, præter duo hæc. Primum ea quæ ad oblectandos, & releuandos animos auditorum spectat: Sales scilicet & acutè dicta. Deinde, quæ ad locutionis genis, & ornamentum sermonis spectant. Quæ cum à me fuerint absoluta; tum demum verè affirmare poterò, me vobis quicquid pulcherrima hæc, & amplissima facultate, & arte dicendi continetur, explicasse. Agendum vero in præsentia nobis est de salibus, ac facetiis ex Ciceronis præscripto loco, qui positus est in lib. secundo de Oratore. quem antequàm aggrediamur interpretandum, volo, vt breuiter non nulla, quæ ad rem spectant, consideremus. De fine. De materia. Ex qua animi parte proueniant. An de iis tradi ars vlla possit. De Methodo Ciceronis in his tradendis seruata, & Methodo Arist. Ac primum de fine ex quo patebit cur eorum omnis oratio fuerit excogitata. Præclare est ab Aristotele dictum libi. tertio Rhet. Si auditores, & iudices omnes probi essent, ac æquiratis amatores, non fore nobis opus vlla Rhetorices parte, præter eam, quæ tradit rationem probandi, & confutandi. Nam exordium, & epilogus; quæ duæ partes in primis capaces sunt eorum, quæ sunt præter rem; ideo fiunt, vt iudicem nobis conciliemus, in aduersarios iritemus, ad commiserationem & lacrymas ciciamus, ad lætitiâ & hilaritatem reuocemus. Sed cum ita comparatum sit, vt homines variis iactentur perturbationibus, & ex iis variè existât animorum voluntates, delinitiones quasdam à nobis excogitari oportuit, quibus illorum mentes captemus. Vnde apud Platonem in Gorgia verissime hæc de causa dictum fuit, Rhetoricen quàm simillimam esse Adulationi, & suaditioni; cuiusdam arti; quàmuis hoc hominū improborum causa contingerit. Captandorum igitur animorum ratio fuit hæc, vt nos attentè iudices audirent, nostramque causam amarent; ad quod adduci non possent sine aliquo delinitione, & oblectamento; vnde ab antiquis Rhetorib. prudenter dictum fuit. Finem oratoris facultatis esse, persuadēdi. cum finem nos triplici assequimur via docendo, mouendo, oblectando. oblectamus autem suauis oratione. Suavis oratio fit salibus, ac facetiis. Id ipsum hæc ratione non dissimili demon

- ” strar Aristoteles lib. tertio Rhet. oblectationem parari necesse est. Pa-
 ” rari autem iucunda, & suavi oratione. discere quidem omnibus esse
 ” iucundum, ac cum voluptate, & oblectatione discere esse iucundissi-
 ” mum. Iucunditatem autem orationis provenire ex facilitate, & vi signi-
 ficationis, ex quo consequitur, cum in salibus vtrunque sit, eos esse sua-
 uissimos, & mirifice oblectare, cum enim oratio obscura est, & insulsa,
 omnes alienantur, cum autem falsa, facilis, & acuta; omnes attentè, &
 cum delectatione audiunt. Hic est igitur facietiarum, & huius Rhetori-
 ces partis finis, quem exposuimus. Est autem, sicut patet, cum refera-
 tur ad finem totius facultatis; etiam hæc ipsa tractatio, pars quædam
 rhetorices inter eas videlicet reponenda, quæ ad persuadendum perti-
 nent, ex quo satis patet, maximi esse momenti, & plurimi faciendam.
- ” Ratio quippe persuadendi omnis (ut Arist. declarat lib. primo Rh.) in
 ” tribus posita est rebus. In commendatione, & existimatione eorum qui
 ” dicunt. In afficiendis, quacumq. opus fuerit ratione, animis auditorum.
 ” In perturbationibus & argumentis. Pars vero hæc salium, & urbanita-
 tis tractanda in duabus versatur. Nam cum virtutis quandam habeat
 speciem imò virtus maxima sit, ut declarabimus postea, multum affert
 commendationis dicenti, & existimationis, Deinde afficit animos au-
 dientium, quia oblectat, hilari quadam motione. Hilaris autem permo-
 tio animi cum risu fit. isq. indicio nobis est animos audientium esse ex
 hilaratos, cum sit latitiæ signum, risus. Est verò latitiæ animi affectio
 quædam, quæ nos faciles, ac exorabiles reddit, Ac benevolos erga eos,
 qui nobis excitant in animo eam hilaritatem, Argumento nobis hu-
 ius rei esse potest, quod cum amicum, & familiarem aliquem post mul-
 tum temporis reuimus; & amplexamur; id facimus cum risu, & hilarit-
 ate. Nam in beneuolentiâ necesse est, ut insit hilaritas, & risus placit-
 dissimus, qui hilaritatis est index; sicuti planè & contrariò contingit
 in odio: à quo quàm longissimè risus omnis abest. Merent enim ho-
 mines, & frontem contrahunt, cum inimicos intuentur. Sed cum fe-
 stiuitas hæc tum in rebus, tum in verbis sit, de ea loquimur, quæ in
 oratione versatur. An igitur erit communis omnium, qui oratione
 vtuntur? Et an priuati, qui inter homines in conuictu habentur; & quo-
 tidiani sermonis, an publici. & forensis tantum? Vtriusq. sanè; sed nos
 de forensi loquimur, nam in eo sese exercet facultas oratoria, de altero
 vero præceptiones dant philosophi, qui de moribus tractant; sicuti fecit
 Arist. quod nos paulò post quantum satis fuerit, explicabimus. Non
 omnium verò, qui oratione vtuntur, communis est. Nam philosophos
 decet oratio verecunda, casta & seuera, (ut declarat Cic. in Bruto) Poë-
 tarum vero propria est; Sed neq. omnium; nam tragicas qui tractant
 res, totos sese, orationemque suam componunt ad merorem, & tristi-
 tiam, atq. omnia infuscant luctu, lacrymis, & dolore. Ne Heroicis qui-
 dem liceat admodum ea uti, nisi tollendæ aliquando satietatis gratiæ; de

virtutibus enim et rebus gestis præclarorum Heroum tractant. magna cum dignitate, bella, nauigationes, pericula, animi magnitudinem, & fortitudinem exponunt. Quàmuis Homerus videtur interdum iocatus magna cum festiuitate; cum in Therfiten scommata iacit, & cum de Veneris, & Martis coitu cantilenā explicat à Citharædo recitamus; aliisque multis in locis. Sed id breuiter facit, ac parè, neque eo planè modo, quo oratores. Vergilius quoque apud nos à grauitate & seueritate heroica nunquàm discedit; ne in coitu quidem Veneris, & Vulcāni explicando. Didonis itidem, & Aeneæ. Dii enim boni quanta cum dignitate amores, qui per se leuissimi sunt, narrat; vt ne in verbo quidè villo notari vix possit vlla festiuitas; tantum abest; vt obscenitatem præ se ferat. Comicis libentiùs multò concessum fuit; hac festiuitate vti in sua potè, quòd optima est factum ratione, quia amatoria magna ex parte, & deridicula; quæ in quotidiano conuiuiu sunt, tractant. Plautus certè vsque adeo festiuus fuit; vt intemperanter, & immodice salibus vsus dicatur; id quod verissimum est; non vult enim oratio saluta esse nimis. condiri tantum contenta; & conspergi. & quoniam comicis libera datur iocandi facultates; ideo Aristoteles in Poëtices libro de iis meminit; quàmuis alibi dicat se de iis copiosius egisse in Rhetorices scilicet libro tertio, vti sæpe est à me dictum. & dicitur postea. Materiem vero si quis exquirat, quæ sit salium ac iocorum summam quidem id dici potest. cum sales, & iocisum capient, risus autem non aliundè facilius pareretur. quàm ex subturpiculis; & maledicis, rectè tamen et ingeniosè prolatis; eorum materiem esse ex subturpiculis; & maledictis eiusmodi. quod est præclare etiam à Cicero dictum vbi de iis agit. Valde turpia, & obscena viris bonis, qui verecundiam amant, non placent. eosque irritant verius, quàm delectant. Tristitia, & aduersa minus quoque ad hoc negocium spectant, nam miseros homines in rebus aduersis illudere, quàmuis id falsè possit fieri, in humanum planè est, vt rectè quoque affirmat Quint. lib. vi. Risum vero capramus aut ex aliis, aut ex nobis, aut ex rebus mediis. Aliena autem aut reprehendimus, aut confutamus, aut eleuamus, aut repercutimus, aut eludimus. Nostra ridicula indicamus, cū dicimus aliqua sub absurda; quæ si nobis per imprudentiam excidant, stultitiam redarguunt. Si simulamus, venustatem & festiuitatem habent. media ea sunt, quæ neutram attingunt personam. Item materies salforum & acutorum, aut factio, aut dictio effingitur: vt dicto exprimatur, satis pater. Factio, vt cum Fabritius, repulsis à se legatis qui magnam attulerant vim auri; manum appositā adduxit ad nares, inde ad os, & fauces, mox ad ventrem; significans eo facto, se donec continere posset eas cupiditates corporis, non egere auro, aut diuitiis. Item materies salforum iocorum ducitur aut ex corpore, aut ex animo; aut ex iis quæ posita sunt extra. Quarum rerum vituperatio si grauior fuerit, non iocus, sed contumelia, & repre-

hensio. Si seuerior, non iocus, sed serium fuerit. Si lenis, tum demum erit iocus, & festiuitas, quam quærimus. atque hæc sic doctè diiudicat Quint. lib. vi. Cap. iiii. In primis vero in iocis fugienda est obscenitas & scurrilitas, honosq. auribus habendus, verissimum enim planè est, non in rebus tantum sed etiam in verbis inesse turpitudinem, quàmuis olim Bryso & Stoici aliter senserint; Quos postea cõfautauit breuib. quibusdam rationibus Arist. lib. iii. Rhet. & Cic. in Epist. quadam ad Patum. Materies autem hæc subturpicula & iocosa falsè dictorum, quàmuis ex quotidiano conuictu, & omnibus hominum actionibus desumi possit, Ea tamen quæ oratori inseruit, ex vrb. rebus, ac negotiis civilibus sumi potissimum debet. Vnde etiam huic generi iocandi, vrb. nomen est impositum à Veteribus, sicuti præclare etiam declarat Quintilianus cum ait „ Nam & vrb. nomen dicitur, „ qua quidem significari video sermonem præferentem in verbis, & „ sono & vsu, proprium quendam gustum Vrb. & sumptam ex conuer- „ satione doctorum tacitam eruditionem. Denique cui contraria sit rusticitas. Idipsum sæpe videtur innuere Cicero in Epist. ad Patum cum „ ait. „ Accedunt non Attici, sed falsiores, quàm illi Atticorum Ro- „ mani veteres, & vrb. sales; Ego autem (existimes licet quod lubet) „ mirificè capior facetiis maxime nostratibus, præsertim, cum eas vi- „ deam primum obliatas Latio tum, cum in vrb. nostram est infusa sæpe „ regrinitas, nunc vero etiam Brachatis, & transalpinis nationibus, vt „ nullum veteris lepõris appareat vestigium. Ibidem. Moriar si præter „ te quenquàm reliquum habeo, in quo possim imaginem antiquæ, & „ vernaculæ festiuitatis agnoscere. Huius igitur vrb. nomen, & elegantioris quidem bene peritum esse oportet oratorem, qui apte iocis ac salibus vti voluerit. Iam vero & illud sciendum vrb. nomen hanc, seu festiuitatem, & comitatem quispiam appellare maluerit, inter virtutes connumerari. Quod politissime explicat Arist. libro quarto Eth. sub finem. vbi de iis virtutibus loquitur, quæ in cotidiano conuictu hominum, & consuetudine exercentur. Nam cum in vita quandam requiem quærere soleamus, & recreari sæpe ioco; videndum est, vt inter nos fiat æquabilis quidam conuictus, & congressus, tum dicendo, tum audiendo. Adhibita hac norma duplici tanquàm moderatrice huius virtutis „ Quæ oportet; „ Vt oportet. Virtutem vero esse patet, quia exuperationem, & defectum medii, sicuti cætera, habet. Nam qui nimium iocantur, & fines huius virtutis transgrediuntur, Scurræ appellantur. qui quacunq. ratione turpi magistrum quærunt excitare, quàm honeste loquendo oblectare. Qui vero prorsus ab omni genere iocandi abhorrent, ii planè duri, immixti, inculti, ac rustici vocantur. Ii vero qui sese in iocis aptè moderantur, comeses, & vrb. magna cum laude dicuntur. Adde quodd paulatim habitus hic animo acquiritur, falsè loquendi; non secus planè ac salatione corpora quæ fuerint exercitata;

agiliora & aptiora esse videntur ad saltandum; sic hominum animi in iocis cum fuerint exercitati, longóque vsu sibi facultatem hanc parauerint, id venustius faciunt, & maiore cum dignitate. Iocum verò hunc liberalem esse oportet, ac eruditum. Ac differre multum à seruiili, et rudì. Sed cum faceriæ propemodum conuitia quædam sint, cauendum est, ne in id labamur, Est enim reprehendendum. Vnde multis in vrbi-
bus leges contra conuitia sanciuntur, Ipsum vero virum vrbani ac festiuium sibi met legem esse oportet in iocando, ne quid peccet. Scurra quidem neq. sibi, neq. aliis parcat, modò risum excitet. eaq; dicit, quæ vir vrbani ne audire quidem æquo animo potest. Rusticus verò, & durus, planè inutilis est ad congressum, & conuietum hominum, cum in eo ne mica quidem salis sit; & aliorum falsè dicta iniquo ferat animo. Atque sic patet vrbanitatem, & festiuitatem, cum requietem maximam hominibus afferat, inter eas virtutes connumerari; quæ ad colloquium, & conuietum quotidianum spectant. Ex qua autem animi parte proueniant si quis quærat; respondeo, non aliunde, quàm ex bene culto, & subactò ingenio; & summo mentis acumine. quod planè requiritur, in eo maxime, qui aptè in iocando sese voluerit exercere; nam qui ioci cum celeritate proferuntur, iocundiores et saliores sunt. Iique in primis, quos ab altero lacefsiti proferimus; qua in re ingenii celeritate magna opus est: Vnde neque omnes ad iocandum, sed ingeniosos tantum aptos esse patet. Constat apud veteres nō omnium, neq. virorum, neque populorum hanc fuisse peculiarem laudem. Sed nonnullorum tantummodo; nam inter oratores Græcos Demost. in primis defuisse hanc iocandi facultatem scimus. atq. id sanè factum (quod testatur Quintil.) quia ad id à natura minus fuisset affectus, vel quòd existimarit præclarus orator, oratori qui in grauissimis rebus versatur non conuenire iocos, & sales. Alioqui enim in conuietum falsus, ac perurbanus fuit Demosthenes, vti testatur Plutarchus in eius vita: nam cum reprehenderetur quòd è prælio aufugisset turpissimè; respondit Salisissime. *ὁ φάριζον πάντων μαχίονταυ.* Et cum audiret Philippum Macedoniae regem laudari, quod esset Bibax. quòd esset venustus corpore, quòd disertus. dixit Demosthenes has laudes in vitium vertens, primum *ἀπρηγᾶ.* alterum *γυναικῶς.* tertium *σοφιστοῦ.* Salisissime quoque redarguit Pythean, qui dixerat ipsius Enthyememata *ὅλῳ τῶν ἐλλυγίων;* nam respondit, *οὐ ταῦτά σοι, νῦν μοι (ἐνύπνιον) ὁ λυγρός.* Atque hæc quidem ira festiuè protulit in quotidiano conuietum Demosthenes. In orationibus autem rarè apparet voluisse iocari: In Aeschinẽm aduersarium illud protulit satis falsè in Oratione *κατὰ παραπρεσβείαα, ὅλῳ μὲν οἶνον πίνων, οὐ δὲ ὕδαρ.* notans, vt interpres ait, ipsius *ὃ θρηῶδες.* Ciceronem sci-
mus plus æquo iocis delectatum, maluisseque amicum interdum (vt ipsius vtar verbis) quàm bonum dictum perdere. Treis libros ipsius locorum collegisse Tyro eius libertus fertur, qui, teste Quintiliano,

magnam in se habebant dicacitatem, neque in conuictu tantum quotidianum, sed in foro quoque sapissimè iocatus est. Erat enim festiuus, ac hilari quodam ingenio, quod ipse de se scriptum reliquit in quaestionum Tusculanarum prima. ubi ait Aristotelem (quod adhuc legi potest in Problematis) dixisse omnes melancholicos esse ingeniosos, cum festiuissimus esset, ac planè ad hilaritatem natus, Sed etiam in Orationibus in Verrem. In Marcum Antonium. In Pisonem. In Clodium multa falsè protulit. An verò non & illud falsissimum quod profert in Gellium, propter oris maleolentiam, in oratione pro P. Sestio. Is autem est Gellius de quo etiam mentionem facit ob eandem rem Catullus in lepidissimo epigrammate. Gellius est pulcher, quid ni? & quæ sequuntur. Salsum, ac venustum quoque illud est, quod in oratione pro A. Cæcinna profert in illum testem, eius fidei eleuandæ gratia. his verbis: P. Cæsennius autor fundi, non tam autoritate graui, quàm corpore. Et in eadem rursus. Sed ita illum placidum, mollémque reddidi, ut non auderet, sicut ministris iterum dicere quot milia fundus suus abesset ab Urbè; nam cum dixisset minus abesse LIII. populus cum risu acclamauit ipsa esse. Sed nimirum nimia illi sæpe obsuit dicacitas; nam ea in se quàm plurimos irritauit; Illud enim videndum est in hac iocorum tractatione, ut ne absit modus. Stratonicum Atheniensem testatur Athenæus libro septimo, à Nicocle Cypriorum rege, quod nimis libere ac falsè iocos protulisset in ipsius filios, perimi iustum. Verba Athenæi sunt hæc. περὶ τῆς στρατόνικον ἐξέ τιμω εἰ τῶ γελοῖο παρρησίαν ὑπονεγκυλεύς τῷ κυριῶν βασιλέως φάρμακον ποίντα ἐξέ τὸ σκώπτειν αὐτὸ τοῖς υἱοῖς. Aristoxenum quoque scimus doctissimum hominem in Poëmata suò, quod Galateam vocarat, Dionysium Sicilia regem sub personam induxisse Polyphemi, multisque iocis illulisse; sed in latomiis inclusum postea vitam finiisse. Idem verò testatur Athenæus libro primo, συνέμεινε δὲ τῷ φιλοξένῳ ἡ δέσπς ὁ Διονύσιος, ἐπεὶ δὲ πλεῖν ἐρωμύλιω γελάτειαν ἐφαρμάξῃ διαφθέρων εἰς τῆς λατομίας ἐνέβληθῇ, αὐτὸς αὖς ποίων τὸν κύκλωπα συνέσκηκε τὸν μῦθον εἰς τὸ πολεῖ αὐτὸν γινόμενον πείρος, τὸν μὲν Διονύσιον κύκλωπα ὑποσκηψάμενος, τίμω δὲ αὐλητρίδα γελάτειαν, αὐτὸν δὲ ὀδυρομένην. Verum redeo ad id, unde eram digressus. hoc genere iocandi totam sæpe nationem aliquam excelsisse accepimus. Nam & Byzantii, & Rhodii, & Siculi, & Attici præter ceteros urbani fuerunt, & festiui, quod ipsum multis in locis testatur Cicero. Qui etiam quærit causam cur Attici acutiores. Redditque eam in primis causam, quod sub purissimo cælo; ac maxima aeris temperie illorum urbs sita esset. Cum secus accidisset Thebanis, qui quod crasso essent aëre vsi; rudes, hebetésque vsque adeo fuerunt; ut in iis nihil lepòris, nihil festiuitatis, nihil elegantioris

rioris cultus ineffet; quod adagio quoque locum dedit in homines prorsus hebetes. Bæotum crasso iurares aëre natum. Siculos quoque falsos fuisse, & ingeniosos innuit; in Tusc. quest. prima, vbi de Epicharmo loquitur, eiusque citat versiculum. Emori nolo sed me esse mortuum nihil æstimo. Epicharmus ingeniosus vt Siculus. Rhodios quis non credat falsos, ac perelegantes homines fuisse, apud quos tandiu bonæ viguerunt artes. quorum insula tam amœno subesfet cœlo, vt αἰθρία appellaretur ab antiquis. Quò alluisse putauerim Horatium, cum ait:

Laudabunt alii clarum Rhodon.

Romani (si Ciceroni credas) multò etiam Atticis fuerunt falsiores; quod faciliè diiudicari possit, si quis Græcorum sales cum Romanorum salibus conferat. qua de re illud vnum in præsentia dicam. Verissimum quidem id mihi videri, quoniam per se Græcorum oratio capax est deliciarum omnium, quæ minus complexi possunt oratione Romanorum; cuius semper propria fuit gravitas quædam, ac maiestas seueritatis, & dignitatis plenissima. Locantur sæpe in dictionibus perlepide Græci, vt illud ostendit quod Diogeni adscribitur *μη φθείρε τὴν ὁρῶν*. & illud Stratonici, quod recenset Athenæus. *τὸν φάωνα δ' ἔφη αὐλῆν οὐ χαρμονίαν, ἀλλὰ τὸν κλέσμον*. & illud *ἀπὸ τῆς ὁμοφώνης εἰς τὴν ὕβριν*, & si quæ huiusmodi sunt. vt & illud eiusdem, qui dicebat maxime se admirari matrem satyri, quæ cum *ἀέκῃ μῆνας ἤνεγκεν, οὐδ' ἀεμῖα πόλιν ἀνώγει εὐερεῖν δέχα ἡμέρας*. Hæc enim siquis velit Latinè proferre; videat omnem dicti leporem & venustatem amitti. Sic igitur planè habendum, Romanorum sales esse quidem maioris ponderis, ac pleniores cuiusdam nescio cuius fucci. Græcorum verò iocos tenuiores, humiliores, neque ita solidos, & vt vno verbo absoluam, oratorios, ac graues, quod multò magis postea patebit, cum Ciceronis contextum explicabimus. Quæsitum verò est ingeniose à veteribus, An de salibus tradi vllæ possint præceptiones; necne. Multi quidem, quoniam homines per se apti nati ad hilaritatem, & festiuitatem sunt, existimarunt, ab hac parte prorsus omnem excludi artem. Alii secus, cum & hæc vna sit Rhetorices pars, existimarunt arte contineri, aut ne reliqua quidem artificiosè tradi. Aristoteles lib. tertio Rhetoricorum ad Theodecten hoc quàm breuissimè "diudicauit. Tractionem quidem salium naturæ propriam esse, "atque ingenio constare, aut exercitatione quadam. præceptionem verò de iis ad artem oratoriam spectare; verissimè quidem, nam quàm "uis homines natura in primis ad id ducantur; multum tamen præceptionibus artis possunt iuuari; Quòd siquis obseruationem potius, quàm artem appellare malit, non valde repugnarim; Nam de oratione omnes, quæ traduntur, artes, cum de rebus non sint vllis

non satis quidem propriæ artes dici possunt; sed obseruationes potius quædam; quàmuis parum quidpiam inter obseruationem, & artem interfit, quod faciliè perspiciat, siquis diligenter attendat. Reliquum est, vt methodum totam, qua & Cicero & Aristoteles in explicandis his vsus fuit, exponamus.

Francisci Robortelli Vtinensis

59

EXPLICATIO EORVM QVAE

AD ELEGIAE ANTIQVITA-

TEM, ET ARTIFICIVM

SPECTANT.

I

Nter alia veterum poëmata connumeratur etiam Elegia; cuius mihi origo, finis, materies, artificiumque simul est explicandum. Cum poësis, ut antè dictum fuit, alia sit lyrica, alia scenica; scenicam patet satis non esse Elegiam, Lyricam igitur potius, quæ cum Gymnopædicon, Hyporchematicen, Pyrrhicenque contineat, ad hyporchematicen elegiam redegit, nam in ea χορός ἄδων χορεῖται. ut ait Athenæus libro quarto. Et cum poëmatum alia grandia sint; alia exigua, inter hæc statuimus connumerandam Elegiam. Imitatur verò Elegiam, ac diuersis quidem modis pro ratione materiæ; nam nullum poëma plures mutationes recepit, quàm Elegia; atque idèd difficile est, ei certam attribuere materiem, aut ad genus aliquod Poëmatis redigere, nisi prius omnia distinguantur; ac separentur. Auletiche, quæ ut ait Aristoteles in libro Poët. utebatur harmonia, & rhythmo; imitabatur etiam aliquando τὰ γαῖον, ut Iulius Pollux scribit libro quarto, ubi ait γήρην fuisse αὐλισκόν, qui vocem emitteret γαῖον, & θρηνητικόν, in Phœnicia primum inventum, nam Phœnicum lingua γήρρα vocabatur ὁ ἄδωνις. atque hinc Tibia Gingrina, qua utebantur in Adonidis festo. Quatenus igitur lugubris Elegia, ac funebris, ad eam auletrices partem debet referri, vno hoc excepto, quòd vetus Auletiche non utebatur sermone, qui in Elegia inest. Didymus quoque author est, Tibias lugubres fuisse his verbis. οἱ περὶ τὸν αὐλὸν ἀδόμενοι θρῆνοι, ὁ γὰρ αὐλὸς πένθος. quæ consuetudo fuit etiam apud Romanos, & idèd Cicero in Miloniana oratione, de funere loquens Clodii, ait: Sine cantu, sine tibiis, quas cantilenas Horatius nanias vocat. Ad hunc verò Elegiæ usum respiciens Ovidius in morte Tibulli ait.

„ Flebilis indignos elegeia solue capillos
„ Ah nimis ex vero nunc tibi nomen erit.

& Horatius libro primo Od. scribens ad Tibullum.

Neu flebiles decantes Elegos; quamuis querelas flebiles amatorum potius intelligit. Proclus quoque ait in libro τὰ τοῦ χρησμομαθῆαι ἐλέγειαν συγκαταμενὸν ἡρώον, καὶ πανταμέτρου, ἀρμόζεν δὲ τοῖς καὶ τοιχομένοις, καὶ ἀνταγορεύου ὑπὲρ αὐτῶν τοῦτον. οἱ μέγιστοι μέτρα γὰρ εἰσι τοῖς ἀνταγορεύουσι αὐτῶν ὁ χρησμομαθῆαι

& idem Aristophanes, ut idem notat Proclus, ait τῶς σὺς ἐλέγους. idest
 ἑρήνοις. Ibidem verò Proclus declarat, quale fuerit apud veteres poë-
 ma dictum κύκλος, à nostris CIRCULYS: de quo mentionem facit
 Aristoteles libro secundo posteriorum ἀναληπτῶν. quem locum ne-
 mo (meo iudicio) adhuc satis explicauit, aut intellexit. Erat Poë-
 ma Circulus dictum, ex multorum poëtarum carminib. confectum,
 qui deinceps scripserant; nam orsi ab Antiqua illa rerum confusio-
 ne, χέρος Græci vocant, gigantum originem; & Titanum, eorum bella
 descripserunt, ac paulatim deducentes poëma omnem Deorum so-
 bolem persecuti sunt, resque illorum omnes gestas, usque ad Vlyssis
 tempora: cuius seriem mihi videtur imitatus Ouidius in libris sua-
 rum Metamorph. Verba Procli sunt hæc. ὁ ἐπικός κύκλος (nam Epi-
 cum erat poëma) ἀρχέται ἐκ τῆς μυθολογικῆς οὐρανῶν, καὶ γῆς μέγας, ἀφ'
 ἧς ἐκαστὸς χερεθὶ γίνονται, καὶ ἐξῆς διαπορεύεται (ἄ) πᾶλλος πρὸς διὰ τῶν ἐλλοισι μυθo-
 λογικῶν, καὶ εἰ που πικρὰς ἀνύθειαι ἐβαλυνθῆται περατῆται δὲ ἐκ διαφορῶν ποιητῶν
 συμπληροῦντος μέχρι τοῦ νῦν. Patriam vero; & nomina poëtarū ipse Pro-
 clus refert, aitque probatum à veteribus poëma illud non tam pro-
 pter elegantiam, quàm propter ἀκλουθίαν ἢ ἐκ αὐτῶν περατῆται. Ve-
 rum redeo ad rem. Elegia aliquando vsi fuerunt veteres in legibus de-
 scribendis; Solon in primis apud Athenienses, ut explicat Diogenes
 Laërtius, & eius versus sæpè recitat; Demost. quoq. in oratione πρὸς
 παραπρεσβ. Aristoteles in Problem. sectione xvi. ubi querit, cur
 multæ leges, cantilenæ vocatæ, ait, homines, priusquàm literas sci-
 rent; leges decantare consueuisse, ne ex animo effluerent; idq. ab Aga-
 thyrsis factum. Athenæus quoq. libro xiiii inquit. ἥδοντο ἀθηνῆσιν ὁ χε-
 ράνθη νόμοι ποιητοῖν, ὥς ὁρµεπὸς ἐκ τῶν πρὸς νόµοις. Sed versus scriptæ olim
 leges; quia facilius hærent memoriæ; Hinc Damocrates poëta, &
 medicus tantopere probatur à Galeno, quòd de medicamentorum ra-
 tione, iambicis trimetris scripsit. nam præterquàm quòd memoriam
 adiuuat; nō facile etiam mutari possunt, aut corrumpi; Mensurarum;
 ponderumque appellationes metro inclusæ. Sicuti in soluta oratione.
 De poësi legum Aristoteles in libro Poëtices meminit, aitque imita-
 tionem suam confecisse, sermone, rhythmo, & harmonia simul.
 Quatenus igitur Elegia leges olim describèbantur; ad Poësin legum
 redigi oportet. Elegia quoque res bellicæ olim descriptæ, cuiusmo-
 di à Tyrtao. Fuit Tyrtaus claudus, luscus, ludi denique magi-
 ster; sed militiam secutus ita excelluit, adeoque militum suorum
 animos sua oratione incitauit; ut quasi furentes in hostem ruerent.
 Hinc Horatius ad Pisones scribens ait. Tyrtausque mares animos ad martia bella
 Versibus exacuit. Nos in Paraphrasi Horatii aliquot eius
 versus ex Stobæo retulimus. Lacedæmonii tantopere Tyrtaei poësi
 delectabantur; ut congressuri cum hoste sæpè eius versus canerent.

Quatenus

Quatenus igitur res bellicas Elegia continet; animosque pugnantium concitat ad furorem; sub alia specie poësis collocari debet, quod non dum mihi satis liquet; nisi fortasse malis redigere ad eandem legum poësin, aut ad eam musicen, quam veteres Phrygiam vocabant, valde aptam ad ciendos hominum animos, & concitandos ad furorem; Elegia quoque vsus est Theognis antiquissimus, doctissimusque poëta, in præceptionibus scribendis, quæ ad mores, vitamque rectè instituendam pertinent. Cuius liber mehercle aureus, dignissimusque, qui ab omnibus legatur, at qui ego nunquàm lego, (lego autem sæpè) quin & ex elegantia verborum, & ex suauitate metri; & ex gravitate sententiarum magnam capiam voluptatem. Eiusmodi verò poëmata desiderat Plato libro de Legibus 111, in quibus non sit multiplex illa imitatio, qua putabat ille animos hominum corrumpi.

Carent igitur imitatione; sed concini possunt sicuti poëmata legum; & idè ad genus idem putarim esse referendam & hanc poësin elegis descriptam. Elegia postremò amoribus, querelis, ac delitiis amantium videtur destinata; Atque idè ob tantam varietatem, & mutationem, fortasse ab Horatio dictum fuit.

„ Quis tamen exiguos Elegos emiseric auctor

„ Grammatici certant, & adhuc sub iudice lis est. nam & Suidas ambigit à quo primum inuenti fuerint; vndeque ita dicti. Hinc (quia Elegia amores complectitur) Ouid. ait libro 111 Eleg.

„ Forma decens, vestis tenuissima vultus amantis,

„ In pedibus vitium causa decoris erat.

nam hoc posterius dictum est propter impares versus. Canebatur autem noctu, querula voce, ante fores amicarum. Hinc idem Ovidius ait

„ Quam tu non poteris duro referare cothurno

„ Hæc est blanditiis ianua laxa meis
Versus in ea impares, de qua, præter Horatium, etiam Ovidius ita inquit.

„ Venit odoratos elegeia nexa capillos

„ Et puto pes illi longior alter erat.

Idem libro primo Elegia prima

„ Sex mihi surgat opus numeris, in quinque residat

„ Musa per vndenos emodulanda pedes. & libro 111

„ Et longis versibus adde breues.

Athenæus libro x111 ait oraculum ab Apolline redditum huiusmodi versibus. Sed prius apponam ipsius verba. ἔχουσέ τε καὶ ποδὲς ἑὶ ἀμὰ χεῖρας, περὶ τῆς αὐτῆς τῆς ἑξαμέτρου τὸ πένταμετρον. καὶ θάπηδον ὑσδρον καὶ διονυσίος ἀγναιὰς ἐποίησεν ὁ ἀπικλιθεὶς χαλκῶς ἐν τοῖς ἐλεγεῖσι. ὅτι δὲ ὁ χυσιμοὸς οὐδὲς

„ Εὐδαίμων χεῖρας, καὶ μελάν, παρὸς ἔφυ.

„ θείας ἀγχιτῆρος ἐφ' ἡμεῖς πολέτας.

in his versib. videre est præpositum hexametro pentametrum, quod ibidem docet Athenæus præter morem factum. In Elegis scribendis insignis apud veteres olim Græcos fuit Mimnermus; qui & ipse de amoribus, ac deliciis scripsit. Hinc Horatius libro Epist. primo.

„ Si Mimnermus vti censet, sine amore, iocisq̃ue

„ Nil est iucundum viuas in amore, iocisq̃ue.

Stobæus versus duos Mimnermi recitat, qui valde locum hunc Horatii explicare possunt, ac illustriorem reddere, nam si diis placet, nonnulli etiam in nomine poetæ lapsi sunt proferendo; Sententia est in his Horatianæ quàm simillima.

„ τίς δὲ βίος τί δὲ περὶ νόν ἄτ’ ὅρ’ χρυζέει ἀφροδίτας;

„ πεινάλλω δ’ ὅτε μοι μικρὰ τῶντα μέλοι.

Varro etiam apud Romanos vir grauißimus, amatorias res elegis videtur scripsisse; inquit enim Ovidius libro I II de Arte amandi.

„ Dicta q̃ue Varroni fulvis insignia villis

„ Vellera germanæ Phrixe querenda tuæ.

nam Gallum, Propertium. Tibullum omnes satis norunt, præstantissimos in hoc genere fuisse: hinc illud

„ Et teneri possis carmen legisse Properti

„ Siue aliquid Galli, siue Tibulle tuum;

Aristotelem quoque (vt Callimachum, & reliquos poetæ prætermittam) ipsum philosophum grauißimum satis constat aliquando se Elegiis scribendis oblectasse; atque in eo genere multum excelluisse. quod idè libentius refero, vt agnoscant nostræ ætatis Philosophi, quàm sint illius similes qui vix duob. aut trib. libris Aristotelis, ac ne iis quidem integris perlectis; sed quid libros dixi? imò pagellis, statim se philosophos iactant; cum & Latinæ, Græcæq̃ue linguæ venustatem nunquàm perceperint; neque vllam antiquitatem degustarint; aut alias artes, quæ in communi hominum vsu versantur; magistras ornate apteq̃ue dicendi didicerint; satisq̃ue habeant, si scèdè, ac impurè loquantur, ne grammaticorum quidem præceptionibus seruatis. Neque verò de omnibus loquor; nam multos habet nostra hæc ætas doctissimos, elegantissimosq̃ue Philosophos; sed de iis tantum qui ita se fœda barbarie ingurgitarunt; vt pauculis quibusdam exceptis quæstionib. quas quotidie insulsè tractant, nihil præterea norint; & alios; qui prorepere vltà eos fines, quib. illi se iocloserunt, studēt, irrideant, ac contemnunt; Verùm redeo ad rem. Hactenus de materie, antiquitate, seu vsu, & origine, simulque de fine Elegiæ locuti fuimus. Nunc reliquum esset, vt de artificio ipsius loqueremur; Sed breuiter tantum, ne longior sim, locos demonstrabo. In Elegia, quando imitatur, non .n. semper id facit; imitatio ferè semper Epica est; nam habet ἀπαγγελίαν ipsius poetæ; nihilq̃ue imitatur præter verisimile, aut necessarium; nam quomodo hæc sint intelligenda, satis in

Poët.

Poët. Aristotelis fuit à nobis declaratum . tametsi Catullus in Elegia quadam Ianuam loquentem facit, quæ tota Dramatica est . qualis etiam Ode illa libro tertio apud Horatium

„ Donec gratus eram .

id enim video aliquando vſitatum . Orationem requirit Elegia , lenem , perſpicuam , neque elatam nimis, neque rurfus nimis humilem ; & vbiq; patheticam ; ac moratam . voco autem moratam, quo modo Ariſtoteles docuit libro Rhetoric. tertio, & in libro Poët . In ea commiſeratiō frequens eſſe debet . Conqueſtiō . exclamatio , apoſtrophe , proſopopœia , ſeu fictiō perſonarum , excuſus ſeu παρὲκβασις præter rem propoſitam . in quam etiam aliquando narratio deſinat, ſicuti ſæpe apud Tibullum eſt videre . is enim in primis artiſticiōſè vtitur & aptè quidem huius modi genere παρακρίσεων . ut quilibet poterit, etiam me non proferente exempla ; per ſe rem totam in illius elegiis perſpicere . Debet verò in primis elegia conſperſa eſſe, ac tincta aliqua antiquitatis ſignificatione ; ſæpe etiam occulta : ac dum aliud narratur, interpoſita . qualis locus eſt apud Tibullum libro primo Elegia prima

Et quodcunque mihi pomum nouus educat annus

Libatum agricolæ ponitur ante Deos .

innuit enim fructuum primitias, quas Græci vocabant ἀπαρχὴς de quibus Porphyrius in libro καθὼς ἀπαρχὴς ἢ ἐμφύλων ſecundo ait ἔαὼν γὰρ ὁ πόρος ἢ κερπῶν, καὶ ἢ ἀρχὴς, ἢ ὁ ἢ ζῶων . Idem Porphyrius libro ſecundo. καὶ καὶ ἀπὸ πολλῶν παρακειμένων θύειν καὶ ἔχει πάτρια. θυτὲς καὶ τὰ ἔθρος ἢ πατρῶν παλαιῶν, τὸ δὲ παλαιὸν εἶναι πάντων, καὶ ἢ κερπῶν λῶ . & rurfus libro tertio μικροτάμεθα τὸ χρυσίου γένος, ὅτι ἡ κρηναὶ τῷ ἐκ γῆς κερπῶ . Alius locus eiufdem Tibulli . in eadem Elegia eſt : cum ait

„ Nec è puris ſpernite fidilibus .

„ Fictilia antiquus primùm ſibi fecit agreſtis

„ Pocula, de facili compoſuitque luto . iis enim utebantur veteres in ſacris faciendis, cum magis erant frugi . de qua re Porphyrius libro ſecundo εἶναι τῷ καὶ τοῖς κεραιμαῖς ἀγγείοις καὶ τοῖς φυλίνοις, καὶ πλεκτοῖς ἐκ χρυσοῦ, καὶ μάλλον περὶ τοῖς δημοτελεῖς ἰεροποιῶν τοιοῦτοις χεῖρην πεπεσμενῶν τὸ θεῖον, Rurfus Elegia ſecunda libri primi . cum ait.

„ Ter cane, ter dictis expue carminibus .

„ Et me luſtrauit tardis .

de qua re Lucianus in Menippo μὲν γὰρ τοῦ τῶν ἐπιδόλων περὶ αὐτὸν περὶ τὸ περὶ σωτηρίαν ἀρχητύσεις ἐπανέειπα πάλιν . & paulo poſt. ἐκείνη ἐπὶ με, καὶ ἀπὸ τῆς αἵμας, καὶ περιγνῶσις τῆς ἀφ᾽ αὐτοῦ . præter hunc & alius eſt locus apud eundem eadem elegia

„ Non ego Tellurem genib. perrepere ſupplex . & quæ ſequuntur . ſignificatur enim veterum δαισιδαίμονια de qua Theophrastus in libro Characterū . cuius verba aliquot eo libentius apponam, ex vetuſtiſſimo libro manuſcripto , qui eſt apud me, quia vulgò non habentur in impreſſis libris : plura enim capita characterum habet liber

meus, quàm vulgati libri. ait igitur. Δεισδαμονία ἐστὶ δειλία πρὸς δειμόνιον· ὁ δεισδαίμων δὲ ἀπονηλάμνος τῆς χεῖρας, καὶ περιφανείμνος ἀπὸ ἰσθμοῦ δειφνυς εἰς τὸ σῶμα λαβὼν οὐ πῶ τιμὴν ἡμέραν περιπατεῖν. Paulò post καὶ ἐπὶ τοῖς τριόθους κεφαλῶν λούσασθαι, καὶ πικρὰ τὴν οἰκίαν καθαρίειν, καὶ οὐδ' ἐπὶ τῶν ἀμύματι. de qua re luenealis etiam Satyra. vii.

- „ In tunicis eat, & totum semel expiet annum
 „ Hybernium fracta glacie defendat in amnem.
 „ Ter matutino Tyberi mergetur, & ipsis
 „ Vorticibus timidum caput abluet: inde superbi
 „ Totum Regis agrum: nuda, ac tremebunda cruentis
 „ Erepet genibus. Huiusmodi igitur eruditione & antiquitatis cognitione conspergenda est Elegia. Atque hactenus sit à nobis de Elegiæ artificio dictum.



Errata sic corrigito

Ex Commentarijs in Aristotelem

Pag.	verfu			
4	26.	Rhet. ad	235	15 καλοῖται id est mutila facit,
9	9	οὐ κατὰ ἄλλοις		disiungitque.
	12	tunc nos poetas	240	47 non ad poetice
36	14	non illepidum	246	44 quasi mutationes
	51	aliquanto post	250	41 ratione Catullus Sir.
44	30	ita vertit Pac.	<i>Ex posterioribus Elucubrationibus</i>	
53	48	Libr. sexto his	12	39 cōmissa sit, probarivelisfi
66	39	ratione	13	47 dissimiles tragicis
93	26	querat Cur in	14	43 tardior ne an
113	49	tumore pedum	16	37 censor quidam
144	10	Dialogo septimo de	32	29 Quenquam animantem
	36	quàmque vere	43	9 & seueriores
154	18	orta inter eos	51	24 eorum omnis ratio
190	13	ratiocinationem	53	18 iocandi facultas
211	37	non alio modo		24 maledictis
222	7	Poetæ sui expurgadi	57	14 id mihi non videri
	29	aliunde intru sum		

Excudebat Laurentius Torrentinus Florentiæ. Mense Octobri
 M D XLV III. cum Privilegio Pauli III Pont. Max.
 Caroli V. Imp. Henrici II. Regis Gallor. Cosmi Medicis Ducis
 Florent. ad annos decem; prout in singulis horum diplomatis
 graui multa cautum est.



